



## Deqên ser dil û rûyan

Ne hêsan e ku meriv di derheqê dîroka tattoyê de tiştekî bibêje. Ji ber ku dîroka wê digîje 10 hezar sal berê. Tattoyên ku li ser mûmyayên Misirê hatine neqîş-kirin, zêlê bûye ku dîroka wan digihîje salên 2000'ên beriya Îsa. Ew deq bi boyaxa qamîş û çilo hatiye çêkirin. Dibe ku mirov di derheqê deqên yekem de gelek tiştan bibêje. Lê li Mezopotamya ya ku kurd û ereb bi deh hezaran sal in lê dijîn ev kevneşopî hebûye û hin jî heye.

Rewşên ku mirov li bedena xwe dineqîşîne li her dereke bi navên cûda tên binavkirin: Deq, daq, vesm, dovûn, dakî, daqî... Rûpel 13



## Dihok a rengîn

Dihok li Kurdistanê wek wargeh a rengîn ya herema Bahdînanê tê naskirin. Bajêr li gor pergala rêvebirîya Kurdistanê parêzgehe. Zaxo, Smêl, Şêxan, Batûfa û Amedî navçeyên Dihokê ne. Herwiha bi Dihokê ve girêdayî bi sedan gund û xopan jî hene.

Dihok li devera Badînan, bajarê herî mezin e. Şêniya bajêr nêzî 400 hezarî ye. Şêniya giştî ya parêzgehê jî nêzî 8 sed hezarî ye.

Bajêr jî taxên; Nizarkê, Serhildan, Mehabad, Beroşkê, Kanî Mehmedikê, Xebat, Birayetî, Azadî, Sêgirka, Kanî Xîşmena, Şindoka, Geverkê, Malta Xwarû, Malta Jor, Aşitî, Şoreş û Şexikê taxên Dihokê pêk tê. Rûpel 02

## Pêvajo ya çareseriya li Bakûr Niftê li Hewlêrê ye



Serokê Herema Kurdistanê Mesûd Barzanî, tevî şandeyek qerabax hat serdana Enqere û bi Serokkomar Abdul-lah Gül û Serokwezîr Recep Tayyip Erdoğan re civiya. Serdana Barzanî hem di warê pêşwazîkirina Tirkiye de û hem jî di warê kaosa li Iraqê, ragihandinên di derbarê serxwebûnê de, mijara neftê û her wekî din di warê pêvajo ya çareseriya pîrsgirêka kurd de jî xwedî taybetiyekê bû. Li gor analîst û rojnamegeran Barzanî rewşa Iraqê û nêzikahiya Malîkî bi zelalî bi Enqere re parve kir.

Çavdêrên siyasî ku têkiliyên Hewlêr-Enqereyê dişopînin, diyar dikin ku her dû paytext êdî ber bi hevparî ya stratejîk ve diçin. Ew şîrîkatî jî wê bandor li mesela ya serxwebûnê û çareseriya pêvajoyê bike. Ji ber ku di destpêka pêvajoyê de Nêçîrvan Barzanî çû Qendîlê û piştê jî hat Enqerê, tê gotin ku 'nifte ya Îmralî'yê bi destê wî hatiye vekirin. Piştî ku paketa nû hat qebûlîkirin niha jî çavli rêye ku Hewlêr êdî jî bo çareseriyê rol a Oslo'yê bi cih bîne. Di serdana Barzanî de rojev pêşeroja herêmê bû. Rûpel 04 - 5

## Yên Kurdistanana serbixwe naxwazîn bê feraset in

Piştî hilweşandina Kurdis-tana Sor, di salên 1990'î de bi pêşengiya Wekîl Mûstafaev tevgerek nû ji bo avakirina Kurdistanê, li nava kurdên Qafqasya'yê derdikve holê. Ji ber ku Sovyet di nava belavbûnê de ye, bi piştgiriya wan hewildanên avakirina Kurdistanê Sor derdike-vin. Serkeşê vê hewildanê



Mûstafaev ku niha 76 salî ye û ji 1999'an virve ye li Îtalya'yê dijî bu BasNûçe re axivî. Mûstafaev ku êdî kalemêrekî dîrokzan û bi şo-pandina siyasî û dîroka kurdan a niha mijûl e, dibêje bo parastina Kurdistanana Sor ji Abdullah Oca-lan daxwaza tîmek gerilla kiriye. Lê wan piştgirî nedaye. Ew dibêje wê demê hem Rûsya û hem jî Ermanistanê piştgiriya Kurdistanek serbixwe kiriye.

Rûpel 08-09

## Em ji bo Rojava her tim amade ne

Siyasetmedarê Rojavayî Abdulhekîm Beşar diyarkir ku heya niha PYD'ê nehiştiye ku partiyên din bi hêzên xwe piştgiriya Rojava bikin. Lê dîsa jî ew amade ne ji bo parastina Rojava'yê piştgiriya YPG'ê bikin.

Rûpel 10



Evîn a kurd û cihûyan

Rûpel 11

Sûreke bi tilîlî

Rûpel 06

Suto Axayê Oremarî

Rûpel 12







# Dihok a rengîn

Dihok di nav newaleke berfireh de hatiye avakirin. Sê aliyên bajêr ji çiyayên bilind pêk tên.

## Welat BAZ

Bajarê Dihokê li Başûrê Kurdîstanê wek wargeh a rengîn ya herema Bahdînanê tê naskirin.

Dihok li gor pergala rêvebirîya Kurdistanê parêzgehe. Zaxo, Smêl, Şêxan, Batûfa û Amedî navçeyên Dihokê ne. Herwiha bi Dihokê ve girêdayî bi sedan gund û xopan jî hene.

Dihok li devera Badînan, bajarê herî mezin e. Şêniya nav bajar nêzî 400 hezarî ye. Şêniya giştî ya parêzgehê jî nêzî 800 hezarî ye.

Bajêr ji taxên; Nizarkê, Serhildan, Mehabad, Beroşkê, Kanî Mehmedîkê, Xebat, Birayeti, Azadî, Sêgîrka, Ronahî, Serbestî, Kanî Xîşmena, Şîndoka, Geverkê, Malta Xwarû, Malta Jor, Aşitî, Şoreş û Şexikê pêk tê. Dihok şînorên siyasî yê dewletên Sûrî, Tîrkiye û Îraqê digîne hevûdû. Bajêr bi qasî 60 kilometre dûrî şînorên siyasî yê Tîrkiyeyê e.

Dihok ji başûr ve bi parêzgeha Mûsilê ve, ji rojava va bi parêzgeha Hewlerê, ji rojava bi parêzgeha Silêmanî û li bakûr jî bi Şîrnex û Colemêrgê ve cîran e.

### Bajarê ol û bawerîyan

Beşek mezin ji Kurdên Dihokê mus-

lumanên sunî ne. Kurdên musulman yê Dihokê jî mezheba sunî ne.

Li aliyê din herema Barzan û Zîbar ku li ser Dihokê ye, yek ji nawenda terîqa Neqşîbendîti ye.

Li navçeya Şêxan pîrranî kurdên êzdî dijîn. Herwiha nawenda olî ya êzdîyan jî li bajarokê Laleşê ye ku bi navçeya Şêxanê ve girêdayî ye.

Li parêzgeha Dihokê gelek malbatên asûrî û kildanî jî dijîn. Hijmara wan nêzî pênc ji sedî şêniya parezgehê ye. Ev herdû komên etnîkî jî îşewî ne. Li dewleta federal ya Kurdistanê îşewiyên heremê jî di jiyana siyasî de jî cîh digrin. Di parlamen û hukûmeta Kurdistanê de nûner û wezîrên Asûrî û Keldanî hene û temsîla gelê xwe dikin.

Dihok ji mêj ve jî bo îşewîyan devereke olî bûye. Ji ber vê yekê li heremê gelek dêr û nawendên pîroz hatine vekirin. Asûriyên heremê yek ji mîletên pêşîn ku ola Mesîh hebandin. Herwiha asûrî 4 hezar salin li heremê dijîn û yek ji kêmnetewên kevnarê yên Kurdistan û Mezopotamya ne.

Yek ji keşeyên Dêra Beranî ya Dihokê, Conî Dawîd Hena behsa koka Asûriyên heremê dike. Îro jî gerek li nav bajêr gerek li navçe û gundên

derdorê gelek dêr xîzmeta olî ya bawermendan tînin cîh. Keşe Dawîd Hena di derbarê xebat û çalakîyên îşewiyên heremê jî wiha dibêje.

### Erdnîgara rengîn

Dihok di nav newaleke berfireh de hatiye avakirin. Sê aliyên bajêr jî çiyayên bilind pêk tên. Li bakûr Çiyayê Spî, li başûr Çiyayê Dehkan, li rojhelat jî Çiyayê Mamsîn Dihokê girtine nav kevanekî.

Rojavayê Dihokê jî ji alî Deşta Sêmelê ve hatiye pêçan. Deşta Sêmelê jî bo çandîna dexil, dan û dikak, axeke zêrine.

Dihok di warê av û rûbar û çeman de jî dewlemend e. Ji xaka bajêr Çemên Dijle, Hêzil, Xebûr, Avaşîn û Zêya Mezin derbasdibin. Herwiha jî nav bajêr jî dû çem diherikin.

Serekaniya Çemê Dihokê, ji bakûrê bajêr jî nêzî Gundê Xazyava dizê. Çemê Hişkerû jî, ji rojhelatê bajêr, li nêzî Gundê Berêbuharê dizê.

Li ser çemê Dihokê, sikreke avê hatiye çêkirin. Herdû çem jî, ku di nav bajêr de diherikin, baxçe û dehlên ku bi fêkiyên wek hînar, hilik, mijmij, sêv, tîrî, hirmîka xemlandine av didin.


Ji şûnewarên kevnarê, ku li de-

wrûberê bajarin, xuya ye ku Dihok devereke kevnare ye. Ji ber ku herem li ser rêya bazîrganiyê bûye, her tim girîngiya xwe parastîye. Navê bajêr jî bi vê taybetiyê ve girêdayî ye. Dihok dema ku navê xwe yê îroîn girtiye di bin desthilata Mîtanîyan de bûye. Mîtanî yek ji mîletên Arî û bapîrên Kurdên îroîn.

Geliyê Dihokê, ji bo Mîtanîyan hem dergehêk stratejîk, hem jî waregeha karwanan bûye. Bazîrganên ku ji Asûr dihatin û derbasî nav gundên Mîtanî dibûn an jî bazîrganên Mîtanî ku derbasî Asûr dibûn li vêderê bacê didan karmendên Dewleta Mîtanî.

Di dema şarîstanî û Dewleta Mîtanî de, Axşîndo yê mîrê bajêr, li herema Girêbasê, bac ji karwan û bazîrganan standîye.

Li gor rêbazên demê jî bo her barekî dû mist yanê dû hok bac hatiye vergirtin. Li gor ciwaa-



nokên heremî navê bajêr jî, hingê ji nîspeta vê bacê yanê ji peyva ‘dû hok’ peyda bûye.

### Wargeha bawermendên Bahdîn

Geliyê Dihokê di dema Dewleta Medan de devera peristgehên pîroz bûye. Navê Bahdînan bixwe tê wateya ‘kesen ku bi dinê pak îman tîne’, yanê ‘welatê bawermendên Bahdîn.’ Bahdîn navê ola Zerdeşt e.

Ji dema Sasaniyan ku hingê ola fermî Bahdîn bûye, heta sedsala 12an Dihok nawenda Mîrnişîniya kurdên êzdî bûye. Heta sedsala 12an navê mîrnişîna êzdîyan ya Dihokê, Mîrgeha Dasînyan bûye. Paytexta vê mîrnişîniyê Dihok bûye ku hingê wek ‘Dihoka Dasînya’ hatiye binavkirin. Îro jî Dihok nawenda olî û siyasî ya êzdîya ye.

Piştî Medan, Dihok bi dorê di bin desthilatdariya Pers, Helen û Sasaniyan de maye. Di salên 640an de ji jî alî Artêşa Ereben Musulman ve tê dagîrkirin. Paşê demeke dirêj Kurdistan dikeve bindestê desthilatdariya Ebasî, Eyûbî û Osmanîyan.

Di qirna navîn de Dihok û derdorê beşeke ji Mîrnişîna Behdînan bû. Navenda vê Mîrnişînê Bajarê Amêdiyê bû. Di sala 940’an de Mîrnişîna Behdînan ji aliyê

Hesen Begê Kurê Emîr Seyfedîn ve tê birêvebirin. Geliyê Dihokê û gundên derdorê di sala 1290’an de, ji destê mîrên

kurd deredikeve û bi Musila xelîf ve tê girêdan.

Piştî ku Osmanî di çaryeka pêşîn ya sedsala 16’an de Kurdistanê dagîr dikin, Dihok jî dikeve destê wan. Di serdema Osmanîyan de dehan car kurdên êzdî, musulman, asûrî û keldaniyên îşewî jî alî Osmanîyan ve hatine qirkirin.

Piştî ku Dewleta Osmanî di şerê yekem de tîk çû, Dihok jî tê de Kurdistan jî alî Îngîlîzan ve hat dagîrkirin. Bajêr hingê ku bi Mûsilê ve girêdayî bû, wek gundekî mezin an jî navçeyekî bû. Îngîlîzan heremê bi rêya komiserên siyasî birêvedibirin. Nunerê Dihokê yê Îngîlîzan Ehmed Azawî û Sor Lîne bûn. Ew heta damezrandina Hukumeta Îraqê ya sala 1922’an man û paşê Fetah Begê ku kurd bû wek berpirsyarê Dihokê hat tayînkirin.

Herema Dihok di salên serhildana 1961’an de yek ji baregehên şoreşê bû. Piştî destpêka şer rejîma Bexdayê dest bi şewitandina gundan kir. Bi vî awayî koçberiya berbi bajêr ve bilind û şêniya Dihokê mezin bû. Di sala 1969’an de, Dihok wek bajar hat tanzîmkirin.

## Dîroka bajêr

Bajarê Dihokê heta sala 1842’ên zayînê li ser Mîrnişîna Amêdiyê bûye. Piştî hingê bi eyaleta Mûsilê ve hatiye girêdan. Dihok di sala 1873an de bûye navçe û sala 1969an jî wek parêzgeh hatiye tanzîmkirin.

Erdîma Dihoke jî bo jiyan û şarîstaniyê destdar e. Herama ku bi çiyayên hênîk, deştên geş û rûbarên avşîrîn xemilandi ji demên kevn ve bûye helîna insan. Li gor belge û rêçên kevnare di-yare ku şarîstaniya heremê digîje hezaran sal beriya niha.

Çiyayê Cûdî ku li bakûrê Dihokê ye, yek ji nawenda Gûtiyan bû. Gutîyên ku 3 hezar sal beriya zayîne li heremê şarîstaniyan avakirine, yek ji mîletên bapîrê Kurdanin. Herwiha Îlamî, Lûlû, Hûrî, Mîtanî û Qasîdî jî ku mîlet û şarîstaniyên Arî û bapîrên kurda bûne, li Dihokê rêçên xwe hiştine.

Ji bilî şarîstaniyên Arî, Asûriyan jî, ku berî zayînê di salên 1350an de ku dewleteke mezin avakiribûn, li Dihok û derdorê hukum ajotîne û gelek rêç û rîş li pey xwe hiştine.

Çend ji amajeyên serkeftinên leşkerî û olî yên van şarîstaniyan li ser zinarên Şikefta Helamata û herema Çarştûn ya beramberî Dihokê hatine neqîşkirin. Di nav van rêçên dirokî de sem-

bolê yezdanên wek Mîhr, Îştâr, Hepa, Enlîl û Adîd jî hene. Beşekî ji van bermahiyên Dihokê niha di Muzexaneyê Lîwre ya Parîsê de, hin perçeyên din di Muzexaneyê Îngîltere ya Britîsch Muzyûmê û hin jî di Muzexaneyê Almanya Berlîn Pergamayê de tên parastin.

Herwiha yek ji şahîdên vê diroka kevnare Girê Malta ye. Ev gir li Dihokê devereke kevnare ye û li wê derê jî dema Gûti, Asûr û Mîtanîyan gelek rîş û rêç hin ji mane. Malta di zimanên kevn de tê wateya ‘deriyê derbasbûnê.’ Li vêderê meqereki leşkerî ku 3 hezar salî ye heye. Piştî ku kildaniyên heremê Dînê Mesîh pejirand, li ser vî girî dêrekî û jî bo mezinên ola xwe li ser gir goristanekî çêkirine.

Ji bilî van şûnewarên kevnare li bakûrê Dihokê Kela Firûne û li rojhilat jî Kela Şeda cîh digre ku ew jî dû bermahiyên girîng yên dirokî ne.

Asûriyan, di salên 900an de û Babîliyan jî di salên 700an de êrişê welatê Kenanê, yanê Mîrnişîna Îsraîlê kiribûn û Cuhîyên vêderê dîl girtibûn. Cihûyên dîlgirti li herêma Dihokê û Çiyayê Sîpî û quntarê Zagrosan hatibûn cîhwarkirin. Cihûyên ku ji hingê ve li Kurdistanê mabûn, di salên 1940an de dest bi koça berbi Îsraîlê kirin. Îro li Îsraîlê nêzî 100 hezar Cihûyên Dihok û derdorê dijîn.







# Nifte ya çareseriyê li Hewlêrê ye

Hewlêr û Enqere ber bi şîrkatiya stratejîk ve diçe. Li Iraqê piştî êrişên DAIS'ê kaosa siyasî ya heyî kûr bû û rewşa Iraqê gihîşte qonexeke krîtîk. Di demek wiha de Serokê Herema Kurdistanê Mesûd Barzanî ku biryara referandûma serxwebûnê girtiye, ji bo li ser mijarên; referandûm, petrol, pêvajoya çareseriyê, DAIS û rewşa rehîneyên tirk yê di destê DAIS'ê de, hin hevdîtinan bike hate Tirkiyeyê. Çavdêrên siyasî ku têkiliyên Hewlêr-Enqereyê dişopînin, diyar dikin ku her dû paytext êdî ber bi şîrkatiya stratejîk ve diçin.

Serokê Herema Kurdistanê Mesûd Barzanî, di çarçoveya hevdîtînên xwe de li Enqereyê bi Serokkomar Abdullah Gul û Serokwezîr Recep Tayyip Erdogan re hate ba hev. Di şandeya Barzanî de jî, Alîkarê Serokwezîr Kubat Talabanî, Wezîrê Çavkaniyên Xwezayî Aştî Hawramî, Berdevkê Hikûmetê Sefî Dîzeyî, Wezîrê Maliyê Rêbaz Mihemed, Wezîrê Pêşmergeyan Mustafa Seyîd Kadîr, Berdevkê Wezîrê Pêşmergeyan Cabbar Yaver, Wezîrê Karê Hundîrîn Kerîm Sîncarî û Serokê Diwana Sero-katiya Heremê Fuad Huseyin cih girt.

Hate hînbûn ku di hevdîtinan de referandûma ji bo serxwebûnê, rewşa Iraqê ya siyasî, petrolên Iraq û Kerkûkê, pêvajoya çareseriyê, rehîneyên tirk yê di destê DAIS'ê de hatin nirxandin. Aliyê tirkî di hevdîtînê de destnîşan kir ku divê ji helwestên ku li Iraqê dê bibe sedema şerê nîjadî, an jî mezhebî dût bê sekinîn û piştgiriya bidin parastina yekbûna Iraqê ya siyasî. Her wiha

hate di mijara serxwebûnê de aliya tirkî xwest ku di vê mijarê de aliya kurdan zêde lez nekin. Barzanî jî di hevdîtînê de derbirî ku ji ber helwesta Malîkî êdî Iraq nikare bibe wekî berê. Li hemberî vê derket holê ku aliya tirkî herî dawiyê dê li hemberî serxwebûnê amedekariyan ji bike.

Piştî ku rafineriyên petrolê li Iraqê ketin destê DAIS'ê êdî ne pêkane ku Iraq vegere rewşa berê. Di demek wiha de Barzanî di serdana xwe de bi taybetî boneya ku beriya aşkerakirina referandûmê ji bo serxwebûnê piştgiriya bixwaze hatiye Tirkiyeyê.

Li gor agahiyên ku ji kulisîan hatine girtin Enqereyê jî Barzanî re gotiye ku "Hêj tablo gelek nediyar e, divê li welat rê li ber şerê nîjadî an jî mezhebî neyê vekirin." Li gel vê Tirkiyeyê diyar kiriye ku piştî demekê ew ê li hemberî îlankirina serxwebûnê amade bibin. Hat ragihandin ku, Barzanî jî di hevdîtînê de li ser vê mijarê bilêv kiriye "Ew tu demê nabin piştgîrê aliyekê. Lê tu demê ji ew destûr nadin şer têkeve herema me."

## Divê kurd bibin xwedî rola yekbûnê

Hate diyarkirin ku Barzanî gotiye ku heta niha di vê mijarê de çî ketiye ser milê wan kirine, lê ji ber kirinên Malîkî hemû alternatîfên bi taybet di destê kurdan û yê aliya dîn de qediyane. Hate gotin ku di berdewamê de Barzanî daxuyandiye ku Malîkî rola kurdan ya yekbûyînê neditiye û her tim Herema Kurdistanê kiriye hedef. Hate zanin ku Barzanî di hevdîtînê de gotiye ku referandûn jî bo kurdan êdî jênevegere û li hemberî vê aliya

din jî gotiye ku divê di pêvajoya siyasî ya Iraqê de kurd bibin xwedî rolek yekbûyî. Barzanî jî diyar kiriye ku ew êdî naxwazin piştgiriya bidin Malîkî ku edî bûye wekî dîktatorekî. Di hevdîtina Mesûd Barzanî û Erdogan de jî hate derbirin ku rewşa li Iraqê neçarê êdî wekî beriya "Misulê" û piştî "Misulê" bê xwendin, ne pêkane êdî Iraq vegere beriya 2013'an û kurd jî sunî jî êdî li hemberî pêkûtiyan serî natewînin. Hate diyar kirin ku êdî mijara Misulê bûye destpêkek nû û Malîkî bi hewladanên xwe krîza li heremê kûr kirine û hemû dengeyên heremê têk birine. Hevdîtina Barzanî û Erdogan saetek û niv berdewam kir. Alîkarê Serokwezîr Kubat Talabanî, Wezîrê Çavkaniyên Xwezayî Aştî Hawramî, Berdevkê Hikûmetê Sefî Dîzeyî û Wezîrê Maliyê Rêbaz Mihemed jî tevli hevdîtînê bûn.

## Piştgiriya pêvajoya çeraseriyê didome

Barzanî jî rayedarên tirk re ragihand ku zagona çarçove ya ji 6 xalan pêktê û ji bo çareserkirina pîrsgîrêka kurd hatiye derxistin gelek giring dibînin û ew amadene ku ji bo alîkariyê çî bikeve ser milê wan bike. Li bendê ye ku di qonaxa duyemîn ya pêvajoyê de endamên PKK'ê derkevin derveyî sinor û di mijara da ku ew ê derkevin derveyî sinor wê li ku bimînin de Barzanî û Erdogan li ser hin formûlan guftûgo kirine. Hate hînbûn ku rayedarên Herema Kurdistanê dê ji bo vê xebatek bidin destpêkirin. Tê texmînkirin ku endamên PKK'ê yê dê derbasî Herema Kurdistanê bibin li Wargeha Mexmûrê bîn

bicîhkirin.

**Di mijara petrolê de rêyên nû** Mijarek herî giring ya hevdîtinan jî bê guman mijara petrolên Kurdistan û Iraqê bû. Ji serê salê pê ve petrola Kurdistanê jî ser xeta boriyan ya petrolê Ceyhan-Yumurtalikê sewqî Tirkiyeyê di hate kirin. Ji 12 hezîranê şun ve jî petrola Kerkûkê jî bi rê hate şandin. Tê diyarkirin ku xeta petrolê da ku ji bo petrolên Kerkûkê hatiye amadekirin wê heta mehekî bi dawî bibe û di vê mijarê de Hewlêr li benda erêkirina Enqereyê ye.

Di dema ku hevdîtîna didomîn de Wezîrê Enerjî û Çavkaniyê Xwezayî yê Tirkiyeyê Taner Yıldî, daxuyaniya "Êdî petrol dest veguhestiye" kiribû. Ev daxuyaniya wekî erêkirina Tirkiyeyê ya ji bo vê mijarê hate şîrovekirin. Yıldîz her wiha nûçeyên wekî "Barzanî jî bo pereyê petrolê hatiye" jî derewand û diyar kir ku Barzanî jî bo pereyê petrolê nehatiye.

## Mijarên tirkmenan û rewşa rehîneyan

Mijara rehîneyên tirk yê di destê DAIS'ê de jî di hevdîtinan de hate nirxandin. Li gor îdiayan, Tirkiye û Kurdistan di vê mijarê de wê bi hev re bixebitin û heta tê gotin di rêjên pêş de wê ji bo vê operasyonê hevpar jî bê lîdarxistin. Hate gotin ku rewşa tirkmenên li heremê jî di hevdîtînê de hatiye rojevê û hikûmeta Tirk xwestiye ku Barzanî tirkmenan biparêze.

Piştî hevdîtinan rayedarên tirk yekem car xwarina fitarê dan Barzanî û ew jî wekî pêşketina têkilayan hate şîrovekirin.

## Rola Oslo'yê wê Hewlêr bilîze

Nivîskarê rojnameya Yeni Şafak'ê Çetin Çetiner destnîşan kir ku serdana dawî ya Barzanî jî serdanên din girîngtir e. Çetiner got ku; Barzanî jî Enqereyê re derbarê serxwebûnê de tiştê zelal gotiye, bi rûdanên nû yê li Iraqê û bi rêya referandûmê destê xwe bi hêz bike û li Rojhilata Navîn dê bibe aktorekî bi hêz. Hukumeta Kurdistanê çawa ku di serî de aktorekê girîngbû niha pêve jî dê bibe hêla sêyemîn û welatê garantor. Di heman demê de wê bibe welatê ku vî karî bi rêve dibe. Serdana birêz Barzanî ya Enqereyê di çarçoveya serdanên wî yê Ewropa'yê de hatibû pîlankirin. Barzanî wê demê li Ewropayê di derbarê serxwebûnê de nêrîn digirt in. Herî dawî dê bihata vir lê mijara DAIS'ê her tişt devrû kir û serdan ma îro. Piştî 11'ê Hezîranê ku DAIS ket Misulê, rewşa Iraqê ew serdanan watedartir kir. Barzanî li Enqere carek din destnîşan kir ku bi Malîkî re nabe. Ev tê wateya serxwebûnê. Li hember kurdan Malîkî dîktator e û her tim gefan dixwe û zêde naxwazin tahamûlî ve bikin. Guman kurdan rûdanên piştî çûyîna

Malîkî ne. Naxwazin Enfalek nû bîjin û ji ber vê jî mijara serxwebûnê herdem bi lêv dikin. Barzanî vê mijarê bi awayekî teqez bi Enqere re perve kir. Tirkiye ji roja ku boriyên neftê saz kir vir ve dizanibû ku rewş dê were vir û wan bi xwe jî alîkarî kir. Nêrîna berê ya dewletê guherî. Barzanî xwest-eka xwe ya referandûmê bi zelalî jî Enqere re perve kir. Li gor texmîna min di Mijdar-Berfanbarê de xebatên serxwebûnê dê bêne kirin. Belkî kurd di heman rojê de serxwebûnê ranegihînin lê wê vê qertê di destê xwe de bigrin. Di vê rewşê de hesasiyeta Enqerê ya Hewlêrê jî ew e ku naxwazin bibin kesên ku Iraqê parçe bikin. Belkî şansêkî din bidin Bexda'yê lê ve herî zêde salekê serxwebûnê paşve bixe."

## Mifteya Imralî'yê Nêçîrvan Barzanî vekir

Çetin destnîşan kir ku Hukumeta Kurdistanê di serî de perçeyek ji pêvajoya çareseriyê ye û hevdîtînên bi Imralî'yê re bi saya Nêçîrvan Barzanî dest pê kirine. Çetin: "Di serîde gotinên MIT û Imralî'yê hebûn lê di rastiya de destpêkirina pêvajoya çareseriyê bi serdanên Nêçîrvan Barzanî yê li gel Qendil û Enqerê dest pê kir.

Em bi saya pêbawerîya wî ya ku daye gelê kurd û tirk ginêştin ve qonaxê. Raya giştî vê nabîne. Herêma Kurdistanê di serî de rolekî çalak girtiye ser xwe û wek hêla sêyemîn tevli hevdîtina dibe. Bi derbasbûna pakêtê em niha di pêvajoyeke nû de ne. Di navbera Qendil û Enqerê de pêwendiyek tune lê Hewlêr navbeynkariyê dike. Bawerim Muştêşariya Giştî ya Ewlekariyê wê di demek nêzik de li Hewlêrê şaxekê veke û ew der dê bibe navenda hevdîtinan. Derbarê



qampa Maxmûrê de jî hin tişt wê bêne sazînin. Dema paşvekişînê detpêkir ew der dibe navendek girîng. Pêvajoya çareseriyê dê bigîje asteke berbiçav. Oslo ya nû Hewlêr e. Dê ne İngiltere be û ne jî welatekî din be. Ev rol Hukumeta Kurdistanê girtiye

ser xwe. Bi şênberbûna pêvajoyê de bandora Hukumeta Kurdistanê jî zêdetir dibe. Ji hêla din, Kurdistaneke ku qerta serxwebûnê di destê xwe de digre derdikeve holê. Ev mijar bi giştî li Enqere hatin axaftin û bi hev bawerî hat girtin. Bê wê jî konferansa neteweyî ku nehatibû organîzekirin di van rojan de dê bikeve rojevê. Barzanî dê tevî qerta serxwebûnê ve konferansê li darxe.

## Nêrînên çapemeniya Kurdistanê


Çapemeniya Kurdistanê ziyaareta Barzanî ya li gel Enqere bi rengê, "Ji bo referandûma serxwebûnê hin zû ye lê belê Barzanî wek serokê dewletekê pêxwazî kir." nirxand. Li gor medya ya Kurdistanê, tevî pêşveçûna DAIS'ê û krîza ku Iraq di nav de ye ew ziyaret pêk hatiye û li gel vê nîqaşên li ser referandûma bo serxwebûnê jî gêştir bûne û pê re jî ziyareta Barzanî ya Enqere di asteke herî bilind de pêk hatiye.

Di nûçeyên ku hatin weşandin de ew raman derket holê, "Di ziyareta Barzanî de derket holê ku êdî li Iraqê guherîn li devê derî ye û ev mecbûriyeteke, divê zîhnîyeta ku serdariyê li Iraqê dike neçar e ku bê guherîn." Herwekîdin di nûçeyan de di derbarê serxwebûnê de jî tê nivîsîn ku Barzanî gotina; "Bi sedema ku em wek heremê jî pêkhatinên heyî zirarê nebinin, em hewlîdîdin ku sistema xwe avakin û li ser piyên xwe bisekinin."

Hişyariya Abdullah Gül ya di derbarê pêşeroja Iraqê, û damezrandina hukumeta nû de ku ji bo Barzanî

## Têkilî digîjîn cihekî aram

Nivîskarê Rojnameya Habertürk jî ziyareta Barzanî bo BasNûçe nirxand. Ozel wiha



axivî, "Çûn hatina bi sixletî tê wateya ku têkiliyên di navbera herdû alîyan de gihêştinê cihekî aram. Dibe ku Tirkiye ji bo serxwebûna Kurdistanê tam negihêştibe fikreke 'erêkirin' lê di warê politîkayên eborî û enerjîyê de Kurdistanê wek cihekî otonom qebûl dike. DAIS û rewşa Misulê jî bo herdû alîyan talûkeyeke. Kerkûk jî bo Tirkiye girîng e. Lê herdû alî jî ji Rojava xwedî dernakevin. Ev ecêbiyake. Ji ber ku li wir jî DAIS bi kurdan re şer dike. Rola Barzanî ya di çarçoveya pêvajoya çareseriyê dehelbet girîng e lê bandora wî bêhtir li ser zemînek mufazakar dimeşe. Ji bo çareseriyê rola Kurdistanê girîng û rolekî aktif e. Barzanî bi Enqere re li ser van hemû mijaran axivî û bi rêya neftê jî têkiliyên xwe anîn asteke balkêş."

Tirkiye pişniyara ku hemû endamên rêxistinê yê li çiyê û yê li qampan di nava civakê de bi çî bike dike. Ji bo vê hin yasa derxistin. Heke ku ev yasa di demek kin de di pratîkê de beramberiya xwe bibînin, pêwistî helbet bi Barzanî heye. Di bi Barzanî ve koordînasyonêk bê avakirin. Ev mijar di hevdîtinan de helbet hatin rojevê. Tirkiye di hewildana ku ji bo çareserîya pîrsgîrêka kurd gavên nû biavêje de ye. Berî yasaya poşmaniya derxistinê wê tîrî nekir.

Pêşniyareke ku gerîla jî bê û dîn ava civakê de cihê bigire û firehtir tê kirin. Heke ku ew pêşniyar bi ciddiyet li ber çavan bê girtin, pêwistiyeke mezin bi rola Barzanî heye. Ew

gam bi hesanî nayên valakirin. Heke bîn valakirin vîcarê hin hêzên din dê dagirin. Ji ber vê pêwistî bi Barzanî heye.

## Ev serdan bo pêvajoyê girîng e

Nivîskarê Radikalê Fehim Taştekin jî diyarkir ku hevdîtina Barzanî ya Enqere bo pêvajoya çareseriyê xwedî giringiyekê ye. Taştekin wiha got, "Tirkiye ne li Sûriye ne jî Iraqê ne di mercin ku DAIS'ê bide hember xwe de ye. Ez ne bawer im ku Tirkiye li hemberî DAIS'ê di nava operasyon an jî tevdanekê de cih bigire. Barzanî jî bo parastina cihên bîdestxistîne li hin deveran bi DAIS'ê re şer dike. Li bi tevahî em nikarin bibêjin ku ew şer e. Di vir de pêwistiya kutîr û kurd bi hev re operasyonêkê bidin destpêkirin nîn e. Ku werin ser mijara pêvajoyê;





# Sûreke bi tilîlî



Necibe KIRMIZIGUL

Ma hûmara verêne de behsê kênawînayîş, kênawaştîş û qelînî kerdîbî. Nika zî ma do behsê veyveyî bikê.

## Veyve

Qelîn birniya tepîya kişta lajekî do veyvera xo çî wext berê se, wextê xo bellî kenê. Goreyê ê wextî, her di kiştî hazîrîya xo kenê. Eke hazîrîye bî tamam, roja veyveyî diyar bena. Verê veyveyî heftêyê, millet dawetê veyveyî beno. Kişta zamayî nê dawetî keno. Mileto ke nêzdi yo, înan rê xelatî vila benê. Nê xelatî top ê, yew tope: 3-5-4 metreyî qumaş o. Miletê binî rê zî qertî vila benê.

Edetê veyveyî zî tayên vurîyayê. Verî ra hetanî nika veyveyî zafane keye de biyêne. La nê demanê pey-ênan de veyveyî salonan de zî benê. Veyveyê ke keye de benê zafane roja yewşeme û panşeme benê. La bolê ci roja yewşeme benê. Çike a roje tatil o. Eke veyve roja yewşeme bo se, verê coy roja îne şan ra dest pêkeno. Roja îne behdê êreyî sûreke (beyraqe) denîşêna. Sûreke bi tilîlî ya banî ser o cayêndo berz a denîşêna. Sûreke nişanê destpêkerdişê veyveyî yo. Yanî yew banî ser o sûreke biaso se, bizanê ke uca de veyve beno. Roja îneyî şan ra vengane dest pêkeno. Umûmî teyp

cenenê. La verî bolên niqara cenayê. Nika herinda niqara çalxî giroto. Roja îneyî şan ra hetanî roja yewşeme şewra govende û kaykerdiş dewam keno. Banê verênî hema bihewşî bî coy ra govende hewş de geyrayê. Ê ke hewşê ci çin bî, yan hewşê emriyanan de kerdê yan zî kuçe de. Nika banê

erdî biyê tayên bolê ci biye dairêyî coy ra veyveyê ke keye de benê umûmî govende kuça de gêriyena.

Berbûriyê veyveyî zafane roja şemeyî yenê veyve. Roja şemeyî behdê dihirê şînê heneyî ser. Goreyê verî, eke veyve sûke miyan de biya, behdê dihirî veyve heme şîyê heneyî ser. Eke niqara cenîyêya se, ray ra bi niqara ya şîyê. Eke veyve dewe de yan zî cayêndo dûrî de biyayê, o wext hîrê-çar cinî şan de şîyê hene û a şewe uca mendê şewra veyve de ameyê.

Bi roj behdê dihirê şîyê hene, destê veyve hene kerdê. Wexto ke şîyne hene veyvekêna veyvere nanê tepsiye ser û sûreke ancenê ci û waya zamayî

tepsî nana xo sereyî ser, o hesab a ray ra şînê keyeyê veyvere. Qe veyve dewe de bo qe sûke miyan de bo, veyvekêna ci roja heneyî şîna. Sûreke erzênê veyve ser. Umûmî hene de veyve veyvekênî dana xo ra, ê ke sew-bîna çinayan danê xo ra zî estê. Verî veyve teştî ser o dayê ronîstene. Teştî

bin de zî meqes, şane, lilik, çila yan zî mûme biyê. Teştî ser o balişna (yastixe) ronayê û veyve ser o ronîştê. La nika kes nê edetî niyano ca. Veyve wextê heneyî sandalyeyî ser o roşena. Dima zî hetanî altun ci dest nêkerê veyvere destê xo anêkena. Altunê destî çarîg, nîmzînet yan zî zînet o. Ciniyê nêzdiyê

zamayî ra yewe altun kena veyve dest û veyve destê xo akena hene kenê ci dest. No hene wuşk o. Veyve hene kerd tepîya, cihêzê veyverê xo de anê keyeyî zamayî. La cihêz hema nêdîyeno. Waya veyvere sandîqa veyve ser o roşena û vana “Heqê Sandîqe” bidê.

Hetanî pere nêdê cihêz nêdîyeno. Pere dayî tepîya cihêzê veyvere vejenê û anê keyeyê zamayî. Di-hîrê cinî zî cihêzî de yenê keyeyê zamayî, ê cihêzî danê duzanê. Şanê ci de kişta veyvere veng danê çorşmeyê xo, keyeyê xo de hene kenê. A şewe keyeyê zamayî de zî hene alawêno. Xora veyve hetanî nîmeyê şewe dewam keno. Tayên zamayî zî destanê xo kenê hene la bolê ci nêkenê.

Roja yewşemeyî şewra mileto ke ameyo veyve heme arêbeno. Bolê ci ereba tepîşenê. O ke şoşmanê zamayî yo, o zî erebaya veyvere beno xemilneno. Bi konvoyê ereban a şînê veyvere anê. La hema veyvere nêdanê. Fina waya veyvere odaya ke veyve tede ya, peyê kêberê a oda de vindena “Heqê Kêberî; Paşqapî” vaze-na. Paşqapî dêya tepîya veyve vejenê. Veyve hewna keye ra nêvîjiya, biraye ci mundiya sûre miyaneyê ci ya girê-dano. Dima lew nana may û piyê xo dest a, tepîya keye ra vejenê. Ereban a sûke miyan ra veyve çarnenê tepîya anê keye. Yena keyeyî ver se, veyve hema ereba ra nîna cêr vistewranê xo ra xelate wazena. Vistewranê ci ra yew yeno ci rê çiyên keno xelat û hewna veyve ereba ra yena war. Wexto ke veyve yena hewşê keyeyî, cinîyên banî ser a şeker çekena veyve ser. Bê şekerî riz, xele, mercu, sole benê. Qeçî şeker arêdanê. Semedê

eştîşê çîyan zî, vanê keyeyê veyve û zamayî bibereket bo.

Veyve arde tepîya na fine şînê çînayê zamayî pêradanê. Zama zî şîno yew keyeyê şînasî. Fina çînayê zamayî zî nanê yew tepsî ser û sûreke ancenê ser û waya zamayî nana xo sereyî ser, millet a veyveyî ya şînê çînayî zamayî danê pira. Hetanî çîna diyeno zamayî ra millet zî kay keno. Dima zamayî zî anê keye. Û vengane qedîno.

Şewra hetanî veyve yena keye, o mabên de şamiya veyveyî virazêna. Veyve ard tepîya dest bî wendişê mewlîdî kenê. Mewlîd qedîya tepîya şeker, biskuvît, şerbet vila kenê. Dima zî şamiya veyveyî vila bena. Ciniyan ra hetanî qeçan heme nanê veyveyî wenê. Edetê veyveyî de şamîdayîş tewr verî ra esto. Nika zî dewam keno. Şamiya veyveyî verî zimistanî tîrşê fasulîyanê wuşkan û riz bî. La qewirme kerdê rizî ser. Hamnanî zî tîrşê fasulîyanê kîhuyan û tîrşê simaqî kerdê. La nika şamî vurîye. Nika zafane qewirme û riz o. Ê ke nêşenê qewirme virazê ê zî bol ê.

Nika nê qaydeyan ra tayê vurîyayê. Hene şîyayîş sey verî niyo. Umûmî

**Eke edet û toreyî vinî bê, kultur zî beno vinî, eke kultur vinî bo, ziwan zî beno vinî. Mesela, hene de verî cinîyanê pîlan û kênayann bi zazakî yan zî kurmancî hevalî (manî) vatê. La nika kes qet manî nêvano, vajê zî bi tirkî vanê.**

şewe şînê veyve hene kenê. Nika zama zî şîno hene û sey verî millet heme hene nêşîno. Cihêzê veyvere roja heneyî nêanê. Verê coy anê keyeyê zamayî. La dewan de hewna dewam keno. Çînayê zamayî piradayîş zî hewadiyayo. Çike nika zama çînananê xo dano xo ra û şîno veyvere ano. Nê qaydeyî qe veyvanê keye de qe ê salonan de vurîyayê. La “Heqê Kêberî” û “Heqê Sandîqe” ê ke qelîn gêne bole ci qelîn de hesibnenê. Umûmî ê wendayan de “Heqê Kêberî” û “Heqê Sandîqe” nêgêriyeno. Veyveyê ke salonan de benê, xora şewên de benê. Di rojî veyve dewam nêkeno. La nanê veyveyî diyeno. Eke roja yewşemeyî şan de veyve yo se, a roje dihirê zî

nanê veyveyî diyeno. Veyveyê salonan her roje zî benê, sey verî îlla do yan roja yewşemeyî yan zî roja panşemeyî bibo şert niyo. Yanî veyveyê salonan de qaydeyê ke mi cor de va, nîne ca. Û vera-vera millet veyveyê salonan tercîh keno. Veyveyê salonan hîna bêzehmet ê, coy ra kes zehmetîya veyveyê keyeyî nêanceno. Xora edet û toreyê veyveyê salonan modern ê.

## Netice

Vera-vera zemanî miyan de bol edetî hewadiyenê yan zî vurîyenê. No bedilîyayîş bi mi ke çiyêndo negatîf o. La nînan ra qelîn hewadiyo se negatîf niyo. Tena hewadiyayîşê qelînî pozîtîf o la o zî hewanêdiyeno. Bê qelînî

edetê binî vinî bê se, bi mi ke negatîf o. Eke edet û toreyî vinî bê, kultur zî beno vinî, eke kultur vinî bo, ziwan zî beno vinî. Mesela, hene de verî cinîyanê pîlan û kênayann bi zazakî yan zî kurmancî hevalî (manî) vatê. La nika kes qet manî nêvano, vajê zî bi tirkî vanê. La fina zî dewê ke sûkan ra dûrî yê, hend nîne û nêşnê sûke, înan de hewna edetî hîna dewam kenê. La îletîşîm çend beno lez hend zî edetî benê vinî. Çike tim cuya sûkan yanî edetê tirkan milletê ma rê weş yenê. Eke yew veyveyê xo salon de bikero, o beno modern. Merdimo modern zî cayên ra zî zanaye aseno. Senî ke tayê însanê ma di çekuyî tirkî qisey kenê, vanê ma zanaye yê, eynî edet û toreyê zî winî yê. Eke veyveyê yew kêna deweje salon de bibo û dans bikera, a do ey a paye bigîra. Mesela, wendeyî hîna vera pey şînê, ageyrenê edetanê xo ser.

La ê ke dewan de yan zî haydarê muhimîya edetan niyê, ver bi modernîye şînê. Ê ke mabên de manenê bolê ci qîmetê edet û toreyan nêzanê, muhimîya ci nêzanê. Nêzanê ke edet û toreyî nasnameyê merdimî yê.

## Şeyda Asmîn û “zeman sey fekê kardî bî”

Bedriye TOPAÇ

Kirmancîya rindeke rê Şeyda rayîr kena ra. Ez fekê kardî de rêça Şeyda de rayîr şona. Reça Şeyda zaf-zaf qayîm a. Merdim xo ra bawer rêça aye de şono. Şeyda ge serê yew koyî de, ge mektebanê tariyan de, ge-gane zî sêneyê yew cinîye de ya. Mi rê rayîr kena ra. Hikayeyanê Şeyda de merdim nêşikîno yew ca de bimano. Tim gêreno. Koyan ra gêreno, dewan ra gêreno. Ruh û riye merdiman ra gêreno. Çekuyanê aye de merdim beno merdim û xo nas keno. Kamîya xo, welatê xo vînenê.

"Ricîfiyayêne. Sey milçika serê vewre ricîfiyayêne. Porê xo yo derg û siya bibî vila. Çîmanê xo de qisawetêk ke hetanî a roje mi qet çimêk de nêdîbi estbî. Se bibî? Çiyî a ardîbî nê halî? Ma qey ci rê serd bî? Însan serd û seqemê zimistanî de kî niya nêbeno. Mi va çîmanê xo de qisawet esto ne? Nê, nê çî qisawet? Çîyo ke çîmanê aye de asayêne çekuya qisawetî ci rê zaf sivik manena." (Zeman Sey Fekê Kardî Bî, 63)

Hikayeyanê Şeyda de tim wina yo. Merdim tim germiniya zerrî û vîjdani

vineno. Yew nuştuxe qehremana xo rê wina dejena. Zerrîya xo wina zîz kena û wina wayîr vejîna. Merdim pêro qehremanan de nuştuxe vînenê. A xo qet nênimnena. Şeyda ruhê pêro qehremananê xo de ya. Înan de bermena, huyena, tersena û yan zî omîd kena.

"Çimê xoyê gîrsî kerdîbî vît aye de niyadayêne. A kî ey ra tepîya nêmendîbî. Aye kî çimê xo yê siyayê gîrsî vîtê ey kerdîbî. Niya demêk yew-bînî de niyada. No dem çîqas bi aye qet nêzanit. Saniya bî, deqa bî? Saete bî? Çîqas ontîbî aye nêzana. Teyna no zanitêne ke aye rê zaf derg ameybî. O ame xo, aye de peşmerîya, bi vazdayîş şî resa cendermanê binan." (Zeman Sey Fekê Kardî Bî, r. 141)

"Omîd vîndî nêbeno." Erê, Şeyda ma ra tim wina vana, Bêrîvana aye ma rê wina vana. Însanbîyayîş çîqas pîroz o, ana virê ma.

"Oooo, Alo vingo, Mastê miya, Ser selika, Bin qulika, Cila here, Teqle biya, Ser ra şîya, Ti ve-ci-ya."

Û çekuyê Şeyda domaniya ma ra, dewanê ma ra ma rê veng anê. Gelo şîma vengê huyayîşê domanan anê xo vir? Hikayeyanê Şeyda de domani tim



der û dormeyê şîma de yê, şîma înan de rayîr şonê û vengê girpayîşê zerrîya înan şîma rê zaf nas yeno. Tewr çîyo weş kî cinî û camêrdî çekuyanê aye piya û têdûşt de xemelnenê.

Raywaniya Şeyda raywaniya cinîyanê kirmancan a û ez omîd kena ke na raywaniya pîroze de rayîr û rayîrwanê ma bizêdiyê. Wa Şeyda bi zerrî û çekuyanê xo bizêdiyo, vila bibo...



# Yê serxwebûna Kurdistanana nexwaze bê feraset e

Serokê Kurdistanana Sor ku li Qerebaxê di 20 Gulan a 1992'an de hat damezrandin Wekîl Mûstafaev li ser jiyan, tekoşîn û dîroka Kurdistanana Sor û Kurdistanana Laçin agahiyên balkêş dan.

Rawîn STERK

Piştî hilweşandina Kurdis-tana Sor, di salên 1990'î de bi pêşengiya Wekîl Mûstafaev tevgerê ji nûve avakirina Kurdis-tanê, li nava kurdên Qafqasya'yê der-dikeve holê. Ji ber ku Sovyet di nava belavbûnê de ye, bi piştigiriya wan hewildanên avakirina Kurdistanana La-çin derdikevin. Mûstafaev ku niha 76 salî ye û ji 1999'an vir ve ye li Îtalya'yê dijî bi BasNûçe re axivî. Mûstafaev ku êdî kalemêrekî dîrokzan û bi şopandina siyaset û dîroka kurdan a niha ji li ser xwe ye diyarkir ku bo damezrandina Kurdistanana Laçin ji Abdullah Ocalan daxwaza tîmek gerilla kiriye lê wan piştigirî nedaye.

Mûstafaev diyarkir ku wê demê hem Rûsan û hem jî Ermanistanê piştigiriya Kurdistanek serbixwe kiriye lê Apocî û hin kesên kurd piştigirî nedane wan. Mûstafaev di derbarê rewşa niha û serxwebûna Kurdistanê de ji wiha got: “Kesên ku dibêjin em Kurdistanana serbixwe naxwazin bênamûs in, wan qaf xwariye. Cihê wan tîmarxane ye. Lazîme ew li nexweşxaneyê dînan bîn tedawîkîrin. Niha 3 serokên me kurdan hene. Yek nexweş e, yek girtî ye û yek jî Kurdis-tanê ava dike. Divê em hemû kurd li dora Barzanî bibin xeleq.”

**Di destpêkê de em dixwazin hinekî bi gotinên te, li ser jiyan û bîranîna te bisekinin. Tu dikarî hinekî behsa jiyana xwe biki?**

**Ez kok û eslê me Kurdistanana**

Qafkasan e. Em Celalî ne. Celaliyan serokatîya Ermenîsan heta Batûmê dikir. Serdarê wan wê demê Hesen Celalî û Husen Celalî bûn. Wana 1804'an heta 1827'a şerê Ūris dikirin. Di sala 27'an de hatin topbarankirin û hêla me teslîmî Rûsan bûn. Hemû axa Qafqasan wê demê teslîm Rûsan bû. Genarelê Rûsan yê wê demê rapor dabû qraliyetê ku bêtê alikariya kurdan nikaribin Stenbolê têxin bin destê xwe. Lê razîlix derneket li ser vê. Gotin kurdan qirkin û piştigiriya ermenan bikin. 1920'ê salê tenê xanekî kurdan ma. Sultan Xan bû ew jî. Li Qarabaxê bû. Piştî wê mecbûr bû ku têkave bin destê Başrika û sewa xatirê Ataturk Xanlixa Kurdistanana



wir dan tirkan û pişt re Azerbeycan çê bû. Dema serdariya Celaliyan û serdariya Îbrahîmê Hesikî bavê min jî şer kir. Hetta 61'ê salê di wî şerî de Rûsya hatin û Kurdistan a Qafqasan belav kirin. Milletê me jî kete bin asîmilasyonê. Ji 36-37'an pê de ser-hildana Seyîd Rîza derket û kurdên me zivistanê de koçî Qirgîzistanê û Qazakistanê kirin. Ez di sala 38'an de ji dayik bûm. Niha her tiştê me li Ermenistan, Azarbeycanê ye. Hatîn ji wan re dewlet çê kirin û em bê dewlet man. Di nava 70 salî de Rûsan çar caran jenosîda me kurdan kirin. Kurd wê demê sirgûnî Qirgîzistanê û Qazakistanê kirin.

**Têkiliya te û Rûsan çawabû?**

Ez di nava eskerê sor de bûm. Di şer de ez bûm zabî. Stêrk dan ser milê min. Hem di şer de hem di îstix-baratê de min 33 salan kar kir. Wana gelek bi min bawer dikirin. Di şerê Rûs û arteşên din de wana kurd baş naskiribûn. Dizanin ku kurd di şeran de çawa ne. Wexta gazî min kirin Moskova yê sereskerê Rûs got, ‘Wekîl hukumeta Ermenistanê jî, ya Rûs jî bi te bawer dike. Wan bi min pak bawer dikirin.

**Têkiliya Rûsan bi me re pir başbû**

**Bêyî te têkiliya civaka kurd û dewleta Rûs çawabû?**

Rûs û kurd duset sal dijimin bûn.

Ewna jî eynî wek Tîrkiye, Iraq, Iran û Sûriye çawa naxwaze kurd serkevin, li Qafqasan jî Rûs'an wê demê eynî bi wî rengî nêzikî kurdan dibû. Rûsya jî kolonîzasê Kurdistanana Qafqasê ye. Li wir çend caran serhildana kurdan pêk hatiye, arteşa Rûs koka kurdan anî ye. Çimkî Rûs jî hevalê tirkan, farsan e. Ewna zanin ku Kurdistan çê bibe qafqasyayê, ew bo Rûsan baş nabe. Rûs ji me ditirse. Di 85'an de berdestiyê serokê partiya Moskovê gazî min kirin û gotin, “Wekîl em ji kurdan ditirsîn. Kurdistan çêbibe wê heqê me de derkevin” ji ber ku dîroka me baş zanin û ji me ditirsîn. Îro jî Iran, Iraq Sûriye û Tîrkiye jî dîroka me pak zanin. Ji bo wê Kurdistanê naxwazin. Saddam dema bi ximye êrişî kurdan kir, dizanî ku Rûs li dijî wî dernakeve. Heke baweriya wî bi Rûs nebûya nediwêrî. Rûs piştî wan digirt. Ya Iranê jî digirt. Wexta ku ordiya Rûs neçar ma ku ji Qafqaya'yê derket, Azerbaycan got axa me axa tirkan e û serê xwe rakirin. De vê carê sewa ku enerjî û petrol û qaza Orta Asya neçe Tîrkiye, Rûs neçar ma ku Kurdistanekê avake. Ermenîyan jî di-zaniybû ku bêtî axa kurdan ew nikarin derkevin behrê. Hemû dora Ermani-stanê hatibû dorpeçkirin. Aliyê Azer-beycan, Gurcistan û dewletên din ve.

**Wek em zanin Kurdistanana Sor ji aliyê Rûsan ve hat hilweşandin. Lê çawa dîsa Rûsan piştigirî da Kurdistanana Laçin bê damezrandin?**

Tenê du sed leşkere kurdên me

1920'ê salan de Xana kurda yek tenê mabû. Sultan Xan. Ew kete nava Azarbeycan lê wana tiştêk neda kurdan. Pişt re kurd rabûnserhildanê. Li Ermenistan û Azerbaycên rabûn serhildan da kû tevî wan bûne lê ew dewlet tiştêk nedidan kurdan. Kurd wek tirk yan jî ermen dinivîsîn. Mil-lete kurd bi wî awayî yox dibû. Kurd-istana Sor 1831'e salê de hilweşi. Yanê Rûsan bo çavbelekiya me piştigirî nedida me. Sedema wan enerjî, petrol û qaza qafqasyayêbû. Mecbûrbûn ku ji qafqasyayê bixwe derketin, ew der vala nemine. Ji berk u Qafqas bo Rûs stratejîkbû. Enerjiya Tirkmenistan, Ozbekistan, Qirgîzistan û hemû Orta Asya'yê wê biçûya Tîrkiye. Erdeki pir mezin dikir ji destê Rûsan derkeve. Hereketa Rûs wê demê pir kê m bû. Heger ku wê demê Rûs û Tîrkiye li ser enerjîyê şer bikira, NATO ji piştigiriya Tîrkiye dikir. Çavê Rûs nebirî. Di şerê Qerebaxê de Rûs piştigirî da Ermaniya. Tîrkiye li ber lêxistina Rûsan bû. Sewa wê tenê dima mehla kurda. Haydar Aliyev wê demê ji Rûsan re got bila Kurdistan çenebe û ezê hemû petrola xwe bidim te, û nan av ji bi-dim arteşa te. Lê Rûsan dizanî pişt re wê rewş here kuderê. Rûsan jî digot di vê rewşa giran de bila tiştêk nekeve destê tirkan, bila di destê dewletên biçûk de be ku sibê dîsa bixwe bika-ribe bizivirê van deran. Mesele ya Ermenistan Rûs û ya me bû. De wan jî bi min bawer dikirin. Dijminê me nehiştin ku em bi serkevin. Xayînê me nehiştin. Hemedê Hapo, Gabar, Tahirê Suleyman û yê din ji Azerbey-cên gelek pere stendin hatin nav me. Li cem wan ku ez hatime xapandin. Azerbeycan ji wan re gotibû Wekîl hatiye xapandin herin nehêlin ku Kurdistan ava be. 3 milyon 500 hezar dolar pere wê demê ji Azerbeycanê stendibûn. Ew hersê kes jî kurd bûn. Gazî min kirin, ez çûm Moskovê bo civînê. Mesele ji min re vekirin. Got divê tu bibêjî ew ne axa kurdan e û ya Azerbaycan e. Ez acizbûm, min kir şer, min got qet we bihistiye ku kur-dan namûsa xwe bi pere firotiye.

**Wê demê piştigiriya Ermeni-stanê çawabû?**

Piştigiriya Ermenan lazimbû bo wan. Erman mecbûrbûn bo piştigiriya me bikin. Ji ber ku ew ji aliyê Azerbeycan û dewletên din ve hatibû dorpeçkirin. Nedikarin ne ji derve bistînin ne jî bifroşin. Do orta dijmin de mabûn. Rîya derkeve behrê tunebû. Kurdis-tan ku çêbe wan dikarî xwe

misilman hebûna bes bû. Kurdên êzdi bi hezaran hatin û amadebûn bo şer. Bi çek bûn û digotin em amade ne. Çek, kinc, xwarin arteşa Rûs dida me. Digotin hun ji xwe re arteşekê avakin êmê 7 akademiya ji we re çekin û çiqas tişt ji we re lazîm e emê bidin we. Ji bo teyare, top û çekên din 7 akademi wê ji me re çekirana. Me ew tişt yekî yekî axaftibû û me biryar dabû.

**Nîfûsa Laçin wê demê çiqasbû?**

Wê demê nîfûsa me dora 70 hezarî bû. Gorbaçov wê demê biryar dabû ku Kurdistan bê damezrandin. Biryara me ya damezrandinê wê piştî du mehan pêk bihata. Liçin û Kelbecer di pêymanî Gobel de bi fênekî dan Ermenistanê. Sewa vê plana me û Rûsan pêk nehat. Kurdên me êzdi li ser vê rabûn ser piya. Gotin emê bi çekan li ber xwe bidin. Lê ceşşên me nehiştin ku kurdên misil-man bîn. Beriya ku em damezrînin Azerbeycan ket nava deq û dolaban û got heke hun Kurdistanê avakin emê niv mîlyon kurdên li Azerbeycanê di şevekê de qirkirin. Sewa wê kurdên ku bihatana hewariya me jî newêrîn bîn.

**Wê demê piştigiriya Ermeni-stanê çawabû?**

Piştigiriya Ermenan lazimbû bo wan. Erman mecbûrbûn bo piştigiriya me bikin. Ji ber ku ew ji aliyê Azerbeycan û dewletên din ve hatibû dorpeçkirin. Nedikarin ne ji derve bistînin ne jî bifroşin. Do orta dijmin de mabûn. Rîya derkeve behrê tunebû. Kurdis-tan ku çêbe wan dikarî xwe



bigihînin behrê. Ev ambargo bi riya kurdan dihat şikandinê. Bolşevîkan bi awayekî bêqanûnî erdê kurda dabû dewletên din. Ermenan jî ev tişt digo-tin. Hewcedariya wan bi me hebû.

**Hun wê demê bi kîjan rayedarên Rûsan re dihatin cem hev û we nîqaş bi kê re dikirin?**

Em zêdetir bi General Palkolnîk re dihatin ba hev. Bi kesên siyaşî re me pir xeber nedida. 3 kesan mijar dizanî. Ez, sereskerê Rûs û rêvebirekî Ermenistanê. Ji ber ku ew sirra dewletêbû. Ev sir ji aliyê kesekî din ve nedihat zanîn. Dema ku me Kurdis-tan îlanbikira Tîrkiye ordiya xwe anî, Iranê ordiya xwe anî gotin emê we tev Ermenistanê bombebarankin. Rûsan ji wan re digot hadê bimesin. Karê we bi Ermenistanê nîn e. Heke hun destê xwe pê bikin emê tiştê nema bînin serê we. Meseleyek polîtîkbû. Hindik mabû sewa Kurdistanê li Yerewanê xîn.

**Pişt re çi qewimî? Tu bûy Serokê Tevgera Azadiyê?**

Belê me hewilda ku em Kurdis-tanê avakin û wek serok jî ez hatim hilbijartin. Me civat çekir. Pişt re me Kurdistan îlankir. Piştî du meha meye hilbijartin lidarxista da ku serokwezîr û rayedarên din bêne hilbijartin. Bê hilbijartinê nabe. Lê ji ber me nikarî arteşêke avakin, em negihiştin wê astê. Kurdan nexwest em çi bikin. Piştigirî nedan me. Kurdên misilman nehatin hewariya me. Kurdistan'a Laçin du mehan dewam kir. Li hemû dinyayê rojnameger hatin, milletên din hatin. Mesele li bitûn dinyayê be-lav bû. Ew der erdê me bû. Destûrek dîrokê derketibû. Me li gor qanûnan

## Piştî ku projeya we têk çû çi qewimî?

Piştî wê hevalan, Apociyan gotin ew der ji me re ne lazîm e. Apociya ji aliyekî nehiştin. Wê demê Mahîr Welat hat. Gotin ji me re ew Kurdistan ne lazîm e. Em Kurdis-tana Mezin çêdikin û em naxwazin ku millete me bibe 5 parçe. Hiqumeta Rusya û Mahîr Welat ve em hatin cem hev. Me nîqaşkîr. Rus'an got em ji we re li Rusya'yê çend cihan bidin we. Madem ku Kurdistan ava nebû milletê xwe bînin li vir bi cîh bikin heya ku rewş aram bûye. Mahîr Welat ji wê re jî got na. Me bi wî re şer kir. Min ji wan daxwaziya dused heb gerîla kir. Got Apo gazî te dike û du xort hatin gotin em te bibin cem Apo. Rûsan got ‘Wekîl meriyek tenê ye, ma hun çîma hem mala xwe him ya me dişewitînin. Bihêlin bila Kurdistan ava be.’ Lê Welat got na. Got serok gazî te dike. 97'an de ez çûm cem Apo, li Şamê. 3 caran gazî min kiribû. Min ji wî xwest ku min tev malbata xwe bişîne çiyê nava şer. Min dixwest biçim şer bikim. Pîreka min bînbaşî ye. Kurê min herdû jî pehlewani in. Em malbatek şerwan in. Min meseleya Kurdistanana Laçin jê re vekir. Min got hinek gerilla bişîne hewariya min. Min got ereb dijminê me ne, ji me îstîfade dike û Kurdistanê naxwazin. Got ez zanim. Min got madem ku dizanî were Kurdistanana Laçin, rûne seroktiyê bike. Em li wir çekan, şerwanan pêydakin û bişînin vir jî. Got na. Fîkra me nepejirandin. Min got heval hun ji bo kurdên Tîrkiye hereket dikin û ez jî bo yên Qafqasê hereket dikim. Hun çîma wiha dikin? Nebû axir.

her tişt dikir.

**Li qada hiqûqa navdewletî naskirin hebû?**

Rojnameyên cîhanê nivîsin da ku ev der cîhê kurdan e. Her tişt li gor qanûnên cîhanêbû. Destûr hebû. Ji ber ku ew erd erdê me ye. Herkesî jî dizanî. ‘Ji xwa dibêjin ‘qafê qaza’ navê wir jî kurdî ye. Kurd beriya 8 hezar sal hatine li wir bi cîh bûne. Ew ji aliyê herkesî ve dihate zanîn.

**Apociyan nexwestin ku em Kurdistanê avakin.**

**Ōcalan çi pêşniyar bo te kir?**

Got here prêzenta Ermenistanê re xeber de, heke qebûlbikin emê xeber-din. Got tu serokatîyê bike. Kasetek jî da min lê ereban ji min stend. Ku ez vegeyîyam dîsa Mahîr Welat hat cem min. Min dît ku rewş guheriye. Rusan ji wê pê ve gotin em bêtî Mahîr Welat kesekî nasnakîn. Xetayekî mezin çêbû. Polîtîkaya Rûsan a li hember me guherî. Mahîr Welat ji Rûsan re lazimbû. Sirra PKK hemû dizanî. Ez nizanîm helbet. Bitûn sirra wan dida Rûsa. Ez çizanim. Ez zanim bijî Apo bijî serok. Lê ji wan re sir lazimbû. Mahîr Welat hat min got em herin cem Rûsan. Got ne hewceye ezê paşê herim. Min got law tu ne Ermenîkî zani ne rûsî. Got ezê tercumanekî pêydakim. Min wê hîngê tê kir der ku rewş çawa guheriye. Ser de jî Apo hat girtin. Welat pereyên ku ji Azerbey-canê stendibû da Jirinowskî. 4 milyon dolar. Apo hat wir û pişt re ji wir jî hat derxistin. Min ji Mahîr Welat re got lawo min rêspuplîkek çêrantiye û tû ji min diçêrînî. Min mijar famkir lê em çibikin. Apo li cîhê ku biçê nav gerilla hat Rusya. Mahîr Welat xayîn-

tiya wan jî kir. Apo jî bişt re nivîsî û got Mahîr Welat Kurdistan firot.

**Dema tu çûyî cem Ocalan te li wir ders jî da ne?**

Belê min çend rojan li ser îstix-baratê ders dan hevalan.

**Tu kengê çûyî Ewropa, Îtalya'yê?**

Di sala 99'an de ez hatim vir û min li vir dest bi nivîsandinê kir. Min dîroka Kurdistanê nivîsî. Pişt re min Dîroka Kurdistanana Qafakasya nivîsî û dî re jî min jan û jiyan xwe nivîsî. Millet hîn jî dibêjîe were vir û serdari-yê bike de ku milletê me asîmîle dibe. **Yên ku bibêjin em serxwebûnê naxwazin cîhê wan tîmarxane ye.**

**Hin kurd niha dibêjin em Kurdistanana serbixwe naxwa-zin tu li ser vê çi difikirî?**

Gerek kurd niha yekitiya xwe pêk bînin. Millet nikare yekitiyê çêbike. Yekitî bi destê şexsan çêdibe. Dîrokê ji şexs çêdike. Em wek pezê bê şivan in. Niha yek dibê sosyalîzm, yek dibê gominîzm, yek dibê kurreder. Yên ku dibên em kurdistana serbixwe nax-wazîn bê feraset in. Wan qaf xwari ne. Di nava arteşan de dema leşkerek bêjê ‘ez serxwebûnê naxwazim’ fermandar wî didin ber guleyan. Yên ku yekitiyê dixwazin divê ji xwe re se-rokekî hilbijêrin. Niha 3 serokên me hene, yek nexwê e, yek girtî ye û yek jî niha Kurdistanê ava dike. Dema ku meriv xwedî mêtî be niha serok, Bar-zanî ye. Ew û partiya wî û eşîra wî di nava şer de jiyane. Ji bo Kurdistanê şer kirîne. Carina xayîntî nekiriye. Ez bi dil û can bi Barzanî re me. Min xelîetiyê, xetayek jî wî nedîtiye. Rojava îro ji xwe re serokek çekirin. Salîh Mûslîm. Divê em Kurdistanê naxwazin. Lê tu çi dixwazî kuro. Dibê ez kanton dixwazin. Kanton ji bo Îtalya bo Swêdê dibe. Te 3 kanton çekirîne. Te ji bo kê çekirîne. Min du heb zanîngeh kuta kir ez zanim kanton çîye.

**Heya ku ez Kurdistanana azad nebinim ez namirim.**

**Tu naxwazî ku vegerî Kurdis-tanê?**

Helbet dixwazim. Lê Kurdistanana Qafqas êdî têk çûye. Dema ku ez her-im wir û nikaribim tiştêkî bikim ezê pir biêşem. Bo wê ez naçim. Parçeyên din jî ji ber ku ne azad in ez naçim. Kurdistanana Başûr niha azad e lê li wir jî dema kî diçe daxwaza pereyan dikin. Herkes bo pere xwastinê diçe. Heke ez herim dibe ku hin ji bo min jî wê bibêjin. Ger ku di derheqê min de tiştêkî wiha derkefe ew mirin e bo min. Lê ku rêvebiriya wir gazî min ke ezê herim. Ez dixwazim Kurdistanana Serbixwe bibînin û pişt re bimirim.



# Tevî hemû astengiyan Em ji bo Rojava amade ne

Siyasetmedarê Rojavayî Ebdulhekîm Beşar ku heya niha di nava çend rêşistinên cûda de cîh girtiye û niha hem wek rêvebirê El Partî tê naskirin, hem di nava ENKS'ê de û hem jî li ser navê ENKS'ê di nava Koalîsyona Neteweyî ya Sûriye de cih digire, li ser rewşa Rojava ya heyî jî BasNûçe re axivî.

Abdulhekîm Beşar diyarkir ku heya niha PYD'ê nehiştiye ku partiye din bi hêzên xwe piştgiriya Rojava bikin. Beşar Wiha got, “Ji destpêkê vir ve PYD dibêje bêyî me kes nikare bi çekdarî tev bigere. Nahêlin ku partiye din karekî bikin. Me mijar heya Qendilê bir lê tu pêşveçûn çênebûn. Tevî her tiştî jî divê êdî ev hemû hesab ji aliyekî bêne hiştin û bo Kobanê, bo Rojava PYD destûr bide ku hemû hêz li ber xwe bidin.”

## "Divê her kes bikaribe bajarê xwe biparêze"

Beşar destnîşan kir ku şerê li Rojava zêdetir di navbera komên DAÎŞ û YPG-YPJ'ê de ye û PYD nehiştiye bê wan kes destê xwe bavêjin çekan û wiha dirêji da axaftina xwe: "PYD nehişt tu kes li kêleka wan berewaniyê bikin. Lê ku her dikevin tengasiyan bangî derdorê dikin mixabin. Ku ez bê çek bim, destvala bim, destgirti bim nikarim alîkariyê bikim. Di şerê Serêkaniyê de bi tevayê tevgerên siyasî li eniyekê şer kirin. Her kes mecbure ku li hember komê çekdar paras-



tina bajarê xwe bike. PYD siyaseta ku kesî li ba xwe qebûl nake dimeşîne ji ber wê bi Encûmanî Nîştîmanî Kurdî re pirsgirêkan diji." Beşar derbarê pîrsa me ya bo çareserkirina vê pirsgirêkê tiştekirine ana na waha bersiv da: " Bi hewla Mesûd Barzanî hevpeymaniya Hewlêrê hat qebûlkirin, me li ser rêvebirina nîve niv li hev kir. Hevpeyman mixabin nehat cih. PYD digot hêzek heye ku xwe didin pişt bidin ku nadin ne pêkan e ku hêzek din çêbe. Dema Barzanî hat Amedê ji BDP hin kesan doza bi hev kirina partiye li Kurdistana Sûrî kirin. Barzanî Encûmena Rojavayê Kurdistan û Encûmanî Nîştîmanî Kurdî li hev anî, gotin me li hev kir lê mixabin dema vegeriyan Kurdistana Sûrî tiştekir bi cih nehat."

## "Em naxwazin ku qet guleyek me li sîngê birayê me keve"

Beşar derbarê bûyerên li Amûdê ku bibû sedema gelek nîqaş û dijberîyan jî agahî dan me. Beşar bal kişand ser astengiyan li hember karkirina wan û wiha gotinên xwe domandin: " PYD bêyî xwe kesekî an jî partiyek din naxwazin. Her tim bi ser ofîsên partiye din de tên. Hatin ofîsa me dorpeçkirin. Em li ofîsê rûniştibûn me dît ku komek YPG dora avahiyê girtin. Li gel me 5-6 tiving hebûn û me ew xistin odeyekê û me derî kilit kir. Me got wê qet fişkek me dê li singa birayên me nekeve." Beşar di vê bûyerê xwerziyek xwe yê li ser banê ku bi telefonê diaxive wenda dike û 17 rojan di zindanê de dimîne. Beşar wan rojan xwe yê zindanê ji me re waha rewşa dike: "Ez, 5 kurên min û hin hevalên me birin avêtin cihekî. Du roj û du şevan ne av ne ji nan dan me. Bi lêdan, îşkence û heqaretan

17 rojan em li wir girtin. Ev ne tiştekir mirovî ye. Ka em birayê hev bûn. Me çî bi we kir ku we ev anî serê me."

Beşar jî bo astengiyan ku PYD datîne ser partiye din jî gazinên xwe bi van gotinan anî ziman, "Di hevpeymaniya Hewlêrê de me biryar da ku 5 kes ji Encûmanî Nîştîmanî Kurdî 5 kes ji Encûmena Rojavayê Kurdistan rêveberiya çî hêzên leşkerî hebe bike. Mixabin ev jî bi cih nehat, pîranî ewan biryar dida. Di van dawîyan de li hember siyasîyan kurd gelek çewt tevdiagerin. Dema siyasîyan kurd da ji başûr vedigerin dibêjin çênabe ku hûn derbas bibin. Ofîsîn partiye kurdan girtin. Birêz Biraahîm Biro sekretêrê partiya me ye, dema ji Sipanya'yê vedigere li deriyê Sêmkalka tê astenkirin nahêlên bikeve Rojava. Hevalê me Bedran Misto li Serêkaniyê li kêleka YPG şer kir. Misto xwest ku semînerêk çêbike. Hatîn semînera wî asteng kirin û gotin ku tuyê gere nava 24 seatan de ji kantonê derkevî."

## Dilê me bi Kobanê re ye

Ji ber ku di dema dawî de DAÎŞ'ê berê xwe careke din da Rojava û li Kobanê bi çekin giran êrişan dikin, di serî de Salih Muslîm û tev rêvebirên KCK'ê, bi daxuyaniyan banga piştgiriya kirin ji bo hemû kurdan. Beşar got ku rewşa Kobanê cihê xeman e û divê hemû kurd li dora Kobanê bibin çeper û helbet PYD jî nêzikahiya xwe ya hişk sist bike. Beşar wiha got, “Nelihevîkirina me bû sedem ku em bigijin vê astê. Li Kobanê îro gel bi qîzên xwe, bûkên xwe, pîrên xwe li ber xwe dide, şer dike. Beriya ku vê bangê bike dibê li hember hêzên din rêz bigirta. Te dest li pişt min girê daye û tu ketî tengasiyê bang dikî lê ez nikarim werim, destê min girêdayî ye. Ku te girê nedaba hewce nedikir ku te bang bikira, ez û tu niha li kêleka hev bûna. Çi bihata serê te wê bihata serê min jî. Niha bang dikin ku hemû kurd biçin alîkariyê. Lê birayê min

te destên min girêdane û tu dibêji were hewariya min. Ku destê min girêdayîbin ez nikarim tiştekirî bikim. Rojêkê hatin ofîsa me dorpeç kirin. Ez 5 kurên min û hin hevalên din em li ofîsêbûn. Çend tiving jî li gel me bûn. Me hema ew çek veşartin ji ber ku me nexwest ku guleyek me li birayê bikeve. Lê wan xwarziyekî min ê li ser banê dan ber guleyan kuştin û bi serde jî çûn ew bi pêhnan avêtin jêr. Em girtin û birin cihekî. Du roj û du şevan ne av ne xwarin dan me. 17 roja em bi îşkence, lêdan û heqaretan li wir em girtin. Disa jî em amade ne ku li gel birayên xwe şer bikin. Lê divê hinekî ew jî rewşa xwe biguhirin. Me mesele hetanî Qendilê jî bir. Lê tuştêk neguhirî"

Li ser mijar ku Hukumeta Kurdistanê alîkariya Rojava dike an nake jî agahiyan ku Beşar dan balkêş in. Bi ya wî nakokiyên di navbera PDK û PKK'ê de nahêlin ku yekitiya kurdan pêk bê. Beşar li ser vê mijarê wiha got, “Başur di warê mirovî de gelek alîkarî kir. Lê di serî de Barzanî xwest ku hêzek çekdar jî li wir bigihînê. Lê ji ber PYD ev tişt nexwest, Hukumeta Başûr jî nexwest ku li wir du hêzên kurdan bi hevkevin. Diyarbû ku heke bêyî YPG hêzeke din hebe, wê kurd di nava hev de şer bikin. DAÎŞ niha bi awayekî metirsi êriş dike. Divê hemû nakokî û berjewendiyên partiyan em li hêlekê bihêlin û li hemberî vê bibin yek. Lê nabe. Çend hevalên me yên partiye jî hela PYD'ê ve belesêbeb hatin girtin û ew birin ji sînor derxistin. Beriya ku kanton bêne avakirin hemû partiyan nêrinên xwe anin ziman lê li ber çavan nehatin girtin. Me got em hemû parti bîn cem hev û deh kesan wek berpirs û rêvebir hilbijêrin. Bila 5 kes ji partiye din bin û 5 jî ji PYD'ê bin. Ew jî qebûl nekirin. Divê PYD bizanibe ku sedema ku Rojava hîn di bin zextan de ye PYD bixwe ye. Em tevî her tiştî jî amadene ku bîn ba hev û bi hev re têbikoşin.”

## Heqdesta karmendên kantonan rejîm dide

Li ser mijara ku li gor hin derdoran di navbera PYD û Rejîma Esad de hevpeymaniyek veşartî didome jî Beşar hin agahî dan. Li gor vê, di navbera PYD û Esad de heya niha tiştekirî zelal derneketiye û li gelek cihan hêzên PYD û yên rejîmê bi qasî çend gavan nêzikî hev disekinîn lê qet dubendiyek neketiye navbera wan, Beşar ev gotin anin ziman, “Her çiqas ku em teqez nikaribin bi axivin jî ji ber ku li Qamişlo di navbera wan de tu şer û pevçûn tune ne gotinên di navbera wan de tiştê nexuyayî hene tê kirin. Dibêjin me herêma

kurdan azad kiriye lê hetanî niha li Amûdê, li peytexta kantonê heqdesta karmendên rejîm dide. Gava kantonêk azad be divê ew pereyên van kesan bi xwe biden. Beşar Esad hê jî hêzên xwe li Rojava paş ve nekişandine. Li hin deran asayîşa wî jî heye ya YPG jî heye. Sibê ku li Sûriye rewş aram bie û Esad bigihêje asta xwe ya berê, wê bibêje, ‘kekê min dema ku me ji we re veqetatiyê bi dawî bû. Keremkin biçin. Û wê demê kesek nikare tiştekirî ji bike ji ber ku PYD bi zelalî têkiliya xwe ya bi wan re diyar nerikiye.”



Di nava alozî û xirecira Dewleta Îslamî ya Şam û Îraqê (DAÎŞ) de ku rêya xwe bo Îraqê vekirîye û Xelife jî destnîşan kiriye, nêrînek derketina welateke nû û bi hêz jî dilê wan aloziyan xuyaye, dewleta serbixwe ya Kurdistanê li herêmeke niv serbixwe ya Kurdistanê li bakurê Îraqê, ku bajarê dewlemend û hertim şer li ser ê Kerkûkê jî tede ye û herî dawî ketiye destê Pêşmergeyan.

Li rojhilata navîn kêma weke Elizeir Geizi Tsafirir wê vîna kurdan his dike. Ew berpirsêkî berê yê saloxdariya Îsraîl “Mossad”ê ye ku di dema xebata xwe ya domdirêj li Hewlêr, Beyrût û Tehranê xebata xwe meşandiye, şahidê peywendiyên perîşan ên kurdan bi ciranên xwe yê bê sibat re bûye. Di sala 1975'ê de dema şahê Îranê peymannamaya Cezayirê bi Saddam re mor kir û piştî kurdan berda, Elizeir bi şev û di rewşekê de ku rejîma Îraqê êrişî ser kurdan destpêkir ji Kurdistanê reviya. Di rojên şoreşa gelên Îranê de, wî di pileya Serokê Mossadê li Tehranê, operasyona derxistina hezar û 500 cihûyan rêk xist. Navbirî bi destpêka Şoreşa Eylûlê, wate salên 1960'î dema ku Îsraîlê li dijî dewleta navendî ya Îraqê hevkarîya kurdan dikir, li wî welatî bû. Tsafirir di derbarê Kurdistanê serbixwe de wiha got, “Derbarê bûyerên ku li Sûriye û Îraqê qewimîne, béguman herêma bi hakimiyeta dewleteke kurdî ya bi hêz, cêgirtir dibe. Heya niha jî xeynî krîzê tişteke din nebûye. Kurdan li herêma cûda gelek êş û zehmetî dîtine û li Îraqê li hember hemû tevkujiyan xwe ragirtine, ji kîmiyabarana Helebceyê bigre heya oparasyona Enfalê. Ew bi salanae ku bi diwarî dijîn. Di wan salan de vînek di navbera Îsraîl û kurdan de çêbûye. Îsraîl zêdetir tiştên bêhtir ji bo kurdan dixwazin û bawerîn ku ne

aramiyên li herêma wê rêya serxwebûna Kurdistanê ronî bike.”

## Îsraîl dê ji ber hemû dewletan Kurdistanê bipejirîne

Tsafirir diyarkir ku Îsraîl wê beriya her welatî bi fermî piştgiriya Kurdistana serbixwe bike. Tsafirir wiha domkir, “Ger derfetek ji bo serxwebûna Kurdistanê çêbibe, Îsraîl wê bi awayekî fermî beriya her welatekî piştgiriya wan bike û ger hewce be wê piştgiriya wan jî bike. Welatên rojavayî jî wê béguman



heman karî bikin. Dixwazim bêjim bextewerane Tirkiyê gelek mijûlê aboriya dewleta Kurdistana Îraqê ye, bi awayekî ku kurd û tirk bi hevve petrola Kurdistanê dişînin derve, tevî hebûn û muxalifeta Bexdayê û qanûn Îraqê jî ev kar tê kirin. Pêvajoyeke nû çêbûye û hişmendiyêke hevbeş di nav Tirkiyê, kurd û Îraqê de çêbûye. Kî/ê difikiri rojêkî petrola Kurdistanê wê bigehe Îsraîlê? Tevî hemû hurmeta min bo Tirkiyê, ew baweriya beşa herî zêde ya îsraîliyan e ku evê cardin ber bi aliye me ve bînin û wê bizanin tevî hemû hewlên wan ji bo bandora li ser grûbên ereb û îslamî, take aliye ku wê li rojhilata navîn de bikaribin pê piştgerm bibin, Îsraîle. Heta piştî wê jî wê pirsgirêka wan bi kurdan re her berdewam dibe. Kes nizane, lê

zêdetirî 40 mîlyon kurd hene ku hejmara wan gelek ji Îsraîl û Filistîniyan zêdetire, ku pirsgirêka wan ewqas li cihanê deng vedaye, lê ji bo kurdan çareseriyek nîne û kes behsa wan nake.”

Ji ber ku sînorên li Rojhilata Navîn êdî li ber guherînê ne, nêzikahiya Îsraîl xwedî balkêşiyek girîng e. Li ser vê mijarê li gor Tsafirir Peymana Skeys Picot hildiveşe. Tsafirir wiha dirêji da axaftina xwe, “Ez herî dawî di daxuyaniyeke Serfermandarê Artêşa Îsraîlê de amade bûm û yekem

Pêşmergeyan, herwiha piştivaniya welatên rojava û Amerîkayê jî. Kurd pîtivanên welatên Rojava ne û ew yek selimandî ne. Tevî ku ew sune ne lê sofî nîn in. Bawerim bi dane ber hev a bi dewleta Îsraîlê re, wê di karê xwe de biserbikevin.”

Tsafirir anî ziman ku têkiliya di navbera hêzên kurdan de jî ne wek berê ye û kurd êdî gihêştine ramana ku bêyî hevkarîya hev nikarin pêşkevin. Tsafirir, “Peywendî di navbera wan de heye, belkî sedî sed nebe lê dilxweşker e. Di hilbijartinên dawî de, serokê partiya Talabani, Noşîrwan Mistefa bi partiyêke nû hate meydane û di hilbijartina yekem de zêdetirî Talabani deng bidest xistin. Kurd dizanin ku hevkarîya bi hev re ji bo xelkê lazime. Helbet Mesûd Barzanî jî ewqas bi temen nîn e û rêberekî ciwan tê hesibandin. Dewleta Kurdistanê hem li Hewlêrê hem jî li Silêmaniyê li ser tiştî ku xelk bi fesadî binav dike, gelek muxalîf hene. Ez bawer im avabûna civaka Kurdistanê ewqas demokratîk bûye.”

Ji ber ku hin kes hêz û asayîşa Kurdistanê bo serxwebûnê besbûnî nabînin, bersiva Tsafirir li hemberî vê girîng e; “Bi qasî ku ji dema ez li Kurdistanê bûm tê bîra min û piştî min bi rêya medyayê şopandîye, rewşa hêza asayîşa wan gelek ji ya welatên derdor baştir e û serkeftinên wan ji ya welatên derdorê kêmtir nebûye. Kurd û farsan hin nêzîkatî hene ku rengvedana hestên wan yên dirokî li hember ereban e. Turk û îranî ewqas jî hev hez nakin, rêk weke kurd û tirkan. Zarok jî bi wan fikran mezin dibin lê dema pêdigejin, lazim e aqilanebir bifikirin û bijareya rast hilbijêrin. Ez bawer im kurd ji bo çêkirina peywendiyên baş bi ciranên xwe re wê hemû hewlan bidin. Ew li pey şer û tohildanê nînin.

**Wergera ji farsî:  
Dêrsim Oremar**





# Suto Axayê Oremarî

Mithat KUTLAR

Koka ew kesên ku em niha dibêjinê kesên Oremarî, bi esasi li Şernexê, nav herêma Cizîra Botan tê. Gorî gotinên Selim Oremar, bapirê Suto (Lemdin) û birayê wî (mef) Cizîra Botan koç kirine li Colemêrgê. Mîrê Cizîra Botan namayekê rêdike bo Mîrê Colemêrgê da ku malbatên Lemdinî u Mefîyan cih bike nav erdê xwe. Mîrê Colemêrgê van kesan qebl dîke û rêdike Oremar; dike cînarê ermenîyan. Mîrê Colemêrgê Lemdin û Mefê emanet qeseyê Dêra Mate dike. Rastî Oremar wê demê temamî cihê ermenîyan bû. Tev Ermenîyan van deran di jîyan. Lê belê piştî pisgîrîka ermenîyan û tirkînan destpêkirî, hikmê Oremarê ket bin destê Mef û Lemdinîyan.

## Xewa mirinê: Teto û Temo

Oremariyan dema pêvistiyekek heba diçûn Iraqê dikirin. Çend ticareta mîletê kurd yê Oremar û yê Colemêrgê hemu diçûne Iraqê. Kirîn û frotina xwe Iraqê dikirin. Rêya karvanan ji exlebe nav çihê Rêkaniyan de diçû. Suto rojekê diçe Iraqê ji bo danzdeh kurên xwe, bi armûş û zêr we hatî neqîşandin, xencêran dide çêkirin. Suto dibêje kesê xencêran çêdike: “Ez ewe çûm. Paşê ezê birayê xwe Heyo rêkem ewan xencêran”

Xatirê xwe dixwazît û zivirîte/vegere Oremarê. Rojekê Suto Axa birayê xwe Heyo (Heyder) li gel çend siwarên xwe re rêdike Iraqê da ku ewan xencêran binît. Aliyek din ji hikmê Suto Axa li ser nêzikî sed gundan hikim dikir. Hersal ‘deh yêk’ a gundiyan dida xirkirin. Teto û Temo birazayên Mikail Axa bun. Axayê Rêkaniyan ê mezin Mikail Axa bû. Lê belê êdî axatî Mikail Axa ji bo herdû biraziyên xwe dihêla. Gava ew xeber çû gubê Teto û

Temo, hundirê van kerb we teji bû. Çi ku bo axayekê şerma herî mezin ew e ku êlatê wî/gundiyan wî wergiyê bide axayek dî. Suto Axa çawa hikmê xwe dibe ser gundiyan Rêkaniyan? Teto sund xwar ku vê şermê li ser axayên Rêkaniyan rake. Heyamek derbas bû hate axaftin ku birayê Suto Axa Heyo, hatiye Iraqê û çend tiştên bi qîmet ji cem wî hene. Teto benda rojek wusa bû. Bi zû çend siwarên xwe amade kirin û çû li ser rêya Heyo. Daxvaza Teto ev bû ku çend malê karvanê dest bistînit û malê Suto talan biket. Dema Heyo tê nevalekê Teto dike gazi Heyo: “Heyoo çend malê barkirîyî li karvanê hebî hemiyê bihêle û here”

Heyo: “Ev kê ye mirina xwe digeriye û hez dike karvanê Suto Axa talan bike? Velle ez xwe derziyekê ji nahêlim bo te û nadim te”

Kerbê Teto vedibe û Heyo dihêli bin gulebaranê. Heyo û çend karvan di, cih de dimirin. Teto çend karvanên Suto bi hemû barên kavranan we talan dike. Xencêrên, zêr u ziv we hatî çêkirin ji hilgirtin, paşê ji zivirî Rêkanê. Gorî xwe bi kêf manê diçe û mizgîniya dide Mikail Axa.

Mikail Axa dibêje Teto: “Aha te nehe mala me xerap kir. Tu çawa diçî karvanê Suto Axa, talan dike. Ev bûyere dê bibe dumahîka jiyana me. Te çima mala me xerap kir Teto! Em dê niha çî bikin? Dê çine kirê? Em dê çawa bin zilma Suto xwe xelas bikin? Suto heta kesek me nemîne dê tola xwe weke”

Ji bo tola birayê xwe sund dixwe. Xwe ra dibêje: “Ew kesê nezan û mirina xwe xwestiyî kê ye? Ma nizane ku ew kesê birayê min bikujî ez nahêlim sax bimîne li ser dinyayê?” Paşê bêhnekê xwe ra difikirît û gazi kasidê xwe dike: “Here cem ew kesê xencêr çêkirî. Bêje, hanê bo te sed zêrê reşad. Heta saleke ditir weki xencêrên bo Suto Axa çêkirî ji bo çî kesek di neçêke.”

Armanca Suto ev bu ku nabenda

salekê da xencêran peyda bike. Ka cem kê ye? An jî destê kê da dê peyda bike? Bi rastî istixbarata Suto gelek xurt bû. Meh ser mehan derbas bûn. Rojekê xeberek hate bo Suto Axa. Gorî xeberê, birayê wî Heyo, axayê Rêkaniyan; bi destê Teto we hatiye kuştin. Xencer cem Teto û kesên malbata wî hatine ditin. Suto sund dixwe u dibêji ewan kesek me kuşt, lê belê ezê du kesên mezinên wan bikujim. Da ku bizanin wê herêmê bilî hikmê Suto teyr ji nafirî.”

Lê belê wê tolê dê çawa hilgiri? Suto dikeve nav fikirên kûr. Dumahikê dibêji: “Ez dê keça xwe bidim Teto û xizmaniyê gel rêkaniyan bikem da Teto û Temo nêzik me bibin. Paşra ji dema min derfetek dî, ez wan herdu birayan dê bikujim û xwîna birayê xwe erd rakem.”

Belê, plana Suto ev bû. Nabeynekê xeber rêkirê nav Rêkaniyan: “Suto hez dike gel Rêkaniyan bibe xizm.” Bi rastî Rêkaniyan dema ew xebere bi devê qasidê Suto guhdar kirin, şaş man. Lê belê aliyekê da ji pê xizmaniya Suto axa hikmê van dê hêj firehtir biba. Mikail Axa teklîfa Sûto dumahikê qebûl kir. Çi ku ew xizmani ye dema bûyera Heyo bête zanîn belku bibe sebebê aştiyê. Bi rastî Mikail Axa û Temo wisa aliyê baş we difikirin. Haj plan u telikên Suto Axa nebûn. Kurê Heyo bo qirara mamê xwe Sûto bédil bû. Haj planên Suto nebû. Bi kerb manê gote mamê xwe: “Ew kesên ku babê min kuştî çawa dê bibin xizmê me? Tu çawa tişteke wusa dike. Xîna bavê min erd dihêlî?”

Suto plana xwe dibêje birazavayê xwe: “Tu qet meraqê neke. Ez Sutoyê Selim, qet xîna birayê xwe dihêlim erd? Tu bêhin fireh be. wext dê bê devran dê zivirî û ez dê tolê wergirim”

Belê rastî ji Suto bêhin fireh hereket dikir. Keça xwe Helima da Teto û gel Rêkaniyan bû xizm. Pê xizmaniyê,

gelê Rêkaniyan gelek kêf xweş bibûn. Çi ku armanca Suto kifş nekiribûn. Sal derbas bû. Suto bo keça xwe Helimayê hinek jahr rêkir da ku Teto bikuje. Lê belê hindî vext çuyî bi rastî Helima’yê zêdetir hej Teto dikir. Dilê wê nedikarî Teto bikuje. Sûto zanî ku Helima nikarî Teto bikuje. Ji ber wê, çareseriyek dî fikirî. Çend sal derbas bûn. Sûto xeber rêkire bo Teto û Temo. Gote wan bihara me isal xweş derbas dibe. Zomên me isal gelek xweş in. Hun dikarin bi temamî celebên xwe we bèn û bine mêvanê min li Mêrgezerê.”

Teto û Temo ji bo teklîfa mêvandariya Suto Axa kêfxweş bun. Aliyekê ji derangu û zomên Rêkaniyan wê salê qet baş şîn nebibûn. Ew teklîf wê aliyê we ji bo herdu birayan baş hat. Lê belê dema gazîkirina Suto çû gubê Helimayê, Helima bi tirs we ket. Helimayê gote mêrê xwe Teto: “Neçe, bavê min niyet e ku dê te bikuje. Berî niha ji jahr dabu min, da ku ez te bikujim. Lê belê min nikarî te bikujim. Çi ku tu malxê min î. Tu bi xwedê ke neçe mêvandariya bavê min.”

Teto piştî çend salên xizmaniyê, baver Halimayê nake û dibêje: “Eve çend sal derbas bûn ku em xizmên hevûdin ne. Çi bibe bila bibe ez dê biçime mêvandariyê.”

Teto û Temo nêzikî pênçî siwarên çekdar we xwe amade kirin, çend seetan rê çûn û hatin nêzik gundê Sûto, qesra Nêrwe. Suto dema zanî ku mêvan nêzik Nêrwe we hatin. Çu pêşiya Teto û Temo, xêrhatina wan kir. Gote wan: “Hûn xêr hatin, ser seran û ser çawan hatin. Ez gelek kêf xweş bum ku we mêvandariya min qebl kir. Eger hûn bixwazin em îşev li wir (Nêrve) qesra min bibin mêvan min. Em subê zu rabin bihevra kevin rêkê ca biçin zoma Mêrgezerê.”

Teto û Temo ji got: “Em ji kêfxweş bûn ku we em gazi kirin. Însallah dê ji bo me hemu kesan

Xêr hatin xelas bû. Çûn diwana qersêrê runiştin û ser revşa êlat axaftin. Xwarina xwe xarin û çend qehve ji li ser vexwarin. Vext borî. Sûto kire gazi xulamên xwe: “Herin çend siwarên gel Teto û Temo hatî, her malê pêncan Bikin mêvan. Temo û Teto dê qesra min da ciheke taybeyt dê razên. Dê zû bin mêvanên min giro nekin.”

Paşê ji wekî Suto xwestî her kesek çu ser cihê xwe da ku razên. Suto xatira xwe mêvanên xwe xwast û çû odeka xwe ya razanê. Lê belê, ma benda nivistina Temo û Teto. West borî... jîyan borî... Bu nîva şevê. Dem hat. Dema mirinê hat. Dema xeva mirinê hat. Suto çend mêrkujên xwe, bédeng rêkirine odeka herdu birayan. Piştî bédengiyê kurt, qêrîna Temo û Teto, nabenda xev û bêxeviyê da bilind bû ber esiman. Jîyan davî bû... herdû cendek bin xencêrên bêvîj-danan mîna elegê lêhatin. Êdî cendek hêdî hêdî sar bûn... çiroka Temo û Teto, dibe çiroka xeva mirinê, nav gelê kurd. Heta niha ji li ser vê buyerê çend bend tèn gotin...



Ne hesan e ku meriv di derhepê dîroka tattoooyê de tişteki bibêje. Ji ber ku dîroka wê ixtimal heye ku heya 10 hezar sal jî biçe. Li gor hin çavkaniyan jî dîroka wê bi qasî 500 hezar sal tê bi zimankirin. Tattoooyên ku li ser mûmyayên Misirê hatine neqîşkirin, zelal bûye ku dîroka wan digihîje salên 2000’ên eriya Îsa. Ew deq bi boyaxa qamiş û çilo hatiye çêkirin. Dibe ku meriv di derheqê deqên yekem de gelek tiştan bibêje. Lê li Mezopotmya ya ku kurd û ereb bi deh hezaran salin lê dijin ew kevneşopî hebûye û hê jî he ye.

Neqşên ku mirov li bedena xwe dineqîşîne li her dereke bi navên cûda tèn bi navkirin. deq, daq, vesm, dovûn, dakî, daqî. Di şikeftan de, li ser diwaran û li goristanan de jî ew nîgar hene. Bi taybetî di goristanan de meriv rastî van nîgaran tê. Di deqan de şopa baweriyên; şamanîzm, paganîzm, animîzm, sabiyî, taoîzm, bûdîzm, manîhaîzm û zerdeştîyê hene.

Bo çêkirina deqan; Di serî de boyaxa deqan tê amadekirin. Madeya

xam ya deqê bi tevlibûna şîrê jîneke ku nû welidî ye (ku keç anîbe dinê) kezebeke sewalan, teniya lampê û hin tiştên din di nava hev de têne histîran. Beriya deq li çêr were neqşandin şêklê wê tê çêkirin. Dû re bi sê, pênc, heft û neh derziyan şêklê ku hatiye xêzkirin bi seatan tê qulkirin. Serê van derziyan derbasî bin çerm dibe. Heftayekî cihê ku bi derziyan hatî qulkirin qalik digre. Ku qalik baş bû û hat rakirin tişt a ku em jê re dibêjin deq, derdikeve holê.

Bi teybetî li Kurdistanê deqên ku piranî bi rengê şîn hatine neqîşandin tê wateya nişandana bedewî, esalet û girêdana bi eşîrtî re. 50 sal berê li Reha’yê dema ku gedeyekî bixwesta ku bi keçekê re bizewicê, neçar bû ku pereyên deqê jê re bişîne û jê dixwast ku li canê xwe deqekê bineqîşîne. Di dema deq çêkirinê de êşek sivik tê hîskirin. Ev êşek xweş e. Ev êş paşê xweşiyekê tevli bedenê dike û wat-eyên nû dide. Yên ku deqekê li canê xwe bineqîşîne bextewar e bo tiştên di xeyalên xwe de û weke ku esalet li gewdeyê xwe neqîşandibe.

## Wateya hin deqan

Motîfa hevê: Ew tê wate ya çavkaniya jîyanê û daxwaza jîyanek bê dawî nişan dide. Motîfa Xezalê: Ew şêklê deqan ji bin çeneyê destpê dike, ji stû dadikeve ser herdû pêşîran û şêklê xezalê ye. Motîfa şe û nêynîkê: Jin wê motîfê li ser pişt a destên xwe û li berzendkên lingan dineqîşînin ku ew mînanî şêklê şe an jî neynîkê ye. Şêklê xelegê: Di nava desenên deqan de motîfên xelegê ku li berzendkên lingan têne neqîşandin cihekî girîng digirin. Motîfa xaçê: Her çiqas ku xêç wek sembolek xiristîyanîyê bê zanîn jî, dîroka wê ji xiristîy-

inayê kevnîr e. Bi rêya rengên xwe tê wateya nişandana helê ya biyom, herwekidin tê wateya tîk birina nêrin û awirên bêxêr. Motîfa rojê: Ew motîf ku zêdetir li eniya mêran rastî mirov tê û 9 xalan tê neqîşandin tê wateya ku kesê ku ew neqş li gewdeyê xwê kiriye, biapil, zane û aqlê sêlim e. Motîfên roj û heyvê ku pir rastî mirov tèn ji tîen wate ya bê şînorîya jîyanê. Motîfa dara jîyanê: Ew motîf dema ku ji bo jînan ji stû destpê bike û hetanî pêşîran dakeve çavkaniya xwe ji xwedawenda dayîk digire.

Foto û Nivîs: Paşa ÎMREK



û lingan, li ser zik û qorixê, li piştê û li enîşka lingan hetanî kabokê û ji bin çenê hetanî serê pêşîran deqan dineqîşînin. Mêr bi piranî li pişt a destê xwe û li eniya xwe deqan çêdikin.

Motîf û figurên ku jinan li gewdeyê xwe kola ne tîji şîfre û sembol in. Li gor lêkolênêran şêklên deqan bi temamî digihîjin pîrozkirina xwedawenda ku dayîka hemû xwedawenda ne. Çavkaniya jîyanê, zayendiya dayîkê, tol û bereket, astên geşbûna zarokê di hundirê dayîka xwe de û mirinê tevsîr dikin ew simge. Dema ku şêklê roj û heyvê li eniya xwe dineqîşînin ji ew tê nişandana wateya ku dixwazin bibêjin ‘em bedew in’. Deqên şêklê pezkovîyan tê wate ya ku ew jin xwe dişibînin pezkovî yê. Deqên ku li berzendkê têne çêkirin û wek bazingekî lê dişide ji tê wate ya dolsozi û sadiqbûnê. Deqên ku li tilêyên lingan wek şe an jî meqesê têne neqîşandin ji tîne mane ya daxwaza ku qîsmet vebe. Carina jî meriv dibîne ku mêran li xilfîkên xwe, pişt a destên xwe hin dew neqîşandine. Bi tipên erebî nav an jî hin îbare, şêr, mar û hîv ji sembolên ku mêr li gewdeyê xwe dineqîşîn in. Carna ji li xilfîkên xwe şêklên wek xal jî dineqîşînin. Jin deqan bi taybetî li ser çeneyên xwe, bin çeneyê, berzendkên lingan, stû, sing û li ser pişt a destên xwe dineqîşînin. Mêr jî zêdetir, li ser

pozê xwe, orta eniyê, li ser pişt a destan, berzendkên destan, li milên xwe dineqîşînin. Hin jin jî wek tişteki taybet şêklê xezalan li gewdeyê xwe dineqîşînin. Ev ji bin çeneyê test pê dike u heya serê memîkan jî dom dike. Hin jinên ku deqên ku ji çokên xwe hey-anî berzendkên lingan, yan jî ji navê hin şiklan dineqîşînin jî hene.

Herkes nikare hostetiya deq neqîşandinê bike.

Divê xwediyê hin taybetiyanbe. Divê ev, kesek jinebî nebe. Divê kesekê ku li ser hişên xwe be, zarokên mirî newelidandibe an jî qet zarokên wê nemiribin. Tê bawerkirin ku qedera xirap ya kesên ku deqan çêdike, derbasî laşê ku dineqîşîne jî dibe. Kesên ku deq li laşê xwe dineqîşîne dixwaze ku deqvan bi tecrûbe be.

Carina mêran jî deq dineqîşandin û ji mêrên ku deqan çêdikin re "deqaq", ji jinan re "deqabe" tê gotin. Mêrên ku li canê xwe deq çêdikin re "medkuk", ji jinan re "medkuke" tê gotin. Deqên jin û mêran cihê ne. Jin bo zerafet û bedewiyê, mêr jî bo hêzdarî û şîyanê çêdikin. Cihê ku mêr an jî jin deqan dineqîşînin duguhere. Jin bi piranî navbera herdû birayan de, li hinark û ser poz, li ser çene û derdora gerdenê, li ser pêçiyên dest




# Gaze : Lêpirsîna li ser bîranineke parçebûyî

Marc-Olivier BHERER

Wênerê Emerîkî Joe Sacco li Gaze'yê bi karê jimartina zehmetiyên jiyana rojane ve eleqadar dibe. Ev jimartin bi hejmara miriyan, hejmara roketên ku berbi Israîlê ve hatine avêtin, hejmara bombeyên ku li ser gelê Gaze'yê hatine reşandin, hejmara avahiyan ku hatine hilweşandin û hejmara girseyên ku ji aliyê dagirkeran ve hatine koçberkirin ve eleqedar e. Sacco hewldide ku wê çiroka miriyan bide tinekirin û bîranineke nû bide çêkirin. Di sala 2001'an de, di hevpeyvineke bi govare amerîkî ya Harpers'ê de ew jêrnûsekî ji raporta Neteweyên Yekgirtî tîne bîra xwe. Di wê jêrnûsê de ew agahiyên di derbarê komkujiya du sed û heftê û penc (275) sivilên filistinî, li Khan Younis, û her wiha ya bi dehan kesên din ku li Rafah'ê, herdu bajarên Şerîda Gaze'yê ne, ku ji aliyê leşkerên Israîlî ve pêkhatî dibîne. Ji wê demê bi şûnve Sacco biryara pêkanîna wê lêpirsine dide.


Di wêneçiroka mezin a naskirî de Joe Sacco bi cesaret hewldide ku wê çirokê baştir deyne ser dikeke wisa ya tiyatroya operasyonê. Ew di nava kareke bizehmet de ye ku filistinîyan bibîne da ku ew bikaribin ji komkujiya ku pencî (50) sal berê pêkhatî re şahidî bikin. Di dema pêkanîna wî kari de ew bi pêdiviyên filistinîyên ku bikaribin dagirkeriyê bilêv bikin re ji rûbirû dimîne. Her wiha ew zehmetiyên ji bo parastina bîranînên neteweyî yên filistinîyan ji baştir dibîne. Carna ew rastî hin şahidiyên



ku bûyeran tevlihev dikin û jinûhve çekirinê zehmetir dikin ji tê. Çêkirina senaryoyê, ya di wêneçirokê de bi text û daran hatiye neqîşkirin, serkeftî ye. Lêpirsîna ku ji aliyê Sacco ve hatiye meşandin dilê mirovan diêşîne û ew bi awayeke xwendina dirokeke dilbiêş, ku di navbera paşeroj û

pêşerojê de diyalogekê dide xûyakin, tê xwendin.

**(Gaze 1956, Ji Derveyê Dîrokê, ya Joe Sacco, ji aliyê Sidonie Van Dries ve ji îngilîzî hatiye wergerandin, Futuropolis, Paris, 2010, 400 rûpel)**



## Rêya Bêveger bi kurdî ye

‘Rêya Bêveger’, kitêba nivîskar Hasan Bildirici ku heya niha gelek pirtûkên ku di warê bûyer û trajediyên ku li Kurdistanê qewimîne vedibêjin nivîsîne, ji aliyê Wêşanxaneyê Lîs ve bi kurdî hat çapkirin.

Pirtûka ku beriya demekê bi tirkî hatibû çapkirin û yekem pirtûka rêze-pitûkekekê bû ji aliyê Salih Agir Qoserî ve li kurdî hat vegerandin û ji aliyê Lîs'ê ve hat çapkirin. Di pirtûka ku jîyan, têkoşîn, pêvçûn, atmosfera psikolojîk, siyasî, civakî ya salên 90-94'an bi rêya komek gerilayên PKK dixwe naveroka xwe, bi temamî li ser bûyerên ku qewimî

ne disekine. Rêze-pirtûk bi ‘Rêya Bêveger Sarya’ û ‘Gerî Çekilme’ dewam dike.

Mijara pirtûka ku jiyana komek gerilayên ku li aliyê Texterewanê (Tatvan) bi gundî, civaka bajêr û bi hev re di tîkiliyek çawa de ne li ber çavên xwîneran radixe, wiha ye:

Dema ku Rojda ya ku li Stembolê li zankoyê dixwîne ji ber nexweşiyê hinekî navbirriyê dide xwendinê û tê mala xwe ya li Tetwanê, bi rê de rastî termê gerilayeke jin tê. Piştî wê rathatinê Rojda ji aliyê leşkeran ve tê şopandin, li ber şikenceyê di îfadeyan re derbas dibe, jiyana wê ji ber bûyerên bînavbirrî û awarte

hildiweşe.

Dîsa rojeke zivistanê, ku berf dibare, pêrgî wan gerilayan tê, yên ku wê dişopinîn. Gerîla wê bi xwe re dibin çiyê, êdî jiyanek dest pê dike, ku kevîr û dar li ber îdare nakin. Rojda govanîyê li neçarî, evînên nepenî, xwekuştinê û hêza berxwedana mirovahiye dike. Di heman demê de li bajarên gelê welatparêz tê kuştin. Mirovên ku Rojda ji wan hez dike bi rêbazên hovane tene kuştin.

“Rêya Bêveger” bûyerên ku di salên 1990'î de li ser erdnîgara Kurdistanê pêk tên bi vegotîneke balkêş dibêje.

Adil HARMANCI

Di salên dawîn de li gelek bajarên Kurdistanê saziyên ku dengbêj lê digihêjin hev hatin vekirin. Li Amed, Batman û gelek bajarên din wek komele ew sazi xebatên xwe didomînin. Li Wanê ji komeleyek beriya çend salan hat vekirin ku xwedî taybetmendiyekê ye. Da ku ew ji aliyê dengbêjên jin ve hat vekirin û tenê jinên dengbêj li wir xebatên xwe dikin. Wek tê zanîn dengbêjî di warê çandê de xwedî rolekî bingeîn e. Ji ber ku li ser zindî mayîna zimanê kurdî ji bandora dengbêjiyê bê hempa ye, xebatên ku li wan saziyan tene kirin bi qîmeta zêr in. Komeleya Jinên Dengbêj ya li Wanê ji bi nêzikahiyek ciddî û karekî profesyonelî balê dîkşîne.

Komeleya ku ji aliyê 15 jinên dengbêj ve hat avakirin, tevî hemû tengasî û bê derfetiyên, bi vekirina qursan, organîzekirina şevbihêrkan, şahî û bernamêyên xwe wateya bê derfetiyê tîk dibe. Li komeleyê xebatên berhevîkirinê, lêkolînkirinê, perwerdekirinê û dokumantasyonê ji tene kirin. Herwiha xebateke wan ya balkêş ji koroza zarokan e ku heya niha li gelek welatan hatine vexwendin û li gelek bajarên Kurdistan û Tîrkiye ji beşdarî bernamêyên bûne.

Di diroka dengbêjiyê de yekem care ku li Wanê Komeleya Jinên Dengbêj hat avakirin. Bi pêşengiya dengê navdar dengbêj Gazî (Raziye Kızıl) û bi piştgiyariya 15 jinên kurd yê herêma Serhedê di sala 2012'an de komele hat avakirin. Komele ji ber ku seranser bi biryar û xebata jinan li ser xwe ye, bo herêma Serhedê wek cihekî navendî ye.

Komeleya ku hem ji bo jinên dengbêj wek cihekî ku bîne ba hev û bi hev re karên kolektîf bikin û hem ji

## Dengbêjên jin yên Serhedî gihîştin hev

bo pêşxistina muzîka dengbêjiyê ya bi rêya enstrumanan, cihekî balkêş e. Piştî komele hat avakirin, endamên komeleyê di gelek bernamê û şahîyan de cih girtin û komele ji bo gel bû cihekî qîmet giran. Di nava xebatên komeleyê de helbet qursên enstrumanan ji hene. Komele niha amadekariya ku di dema kin de di derbarê erbane, bilûr, viyolîn, saz û hwd. qursa veke. Wekî din ji ji bo fêrkirina zimanê kurdî, îngilîzî, û farisî ji li komeleyê qurs tene vekirin.

### Astengiyên piştî erdhejê

Dema ku êdî komeleyê bi rêk û pêk dest bi xebatê xwe kir, di salvegera vekirina komelê de li Wanê du erdhejên mezin qewimîn. Avahiya komelêyê ku li Yüzüncü Yılê cih digre ji ber erdhejê xesarek mezin dît û niha nayê bikarîn. Gelek estûrîman û melzemeyê wan ji zirar dît. Endamên komeleyê neçarbûn ku dema dirêj xebatên xwe di konan de berdewamkin. Ji ber ku hin rêvebir ji ji Wanê cûn di warê hejmarê de ji pîrsîrêkên wan derketin.

Komeleya Jinên Dengbêj piştî salekê dîsa hat vekirin û tevî hemû tengasî û kêmasiyan xebatên xwe dan destpêkirin. Komeleya ku vegeriya avahiya xwe ya nû, pişt re kongreya xwe li dar xist û bi rêveberiya nû xebatên xwe dan destpêkirin. Valahiya rêveberên ku çûbûn hat tijekirin. Di wê pêvajoyê de gelek endamên komeleyê ji çêbûn û niha nêzikî 100 jinên dengbêj endamên komeleyê ne.

### Qoro ya zarokan

Komeleya ku li navenda bajêr û li navenda navçeyan gel kes wek endam qeyd kir û di heman demê de di derbarê dengbêjiyê de agahî û meteryal berhevkir, û bi rêya van kesên ku dixwazin stranan bibêjin ji agahdar kir. Civan, zarok û pîrên ku di derbarê dengbêjiyê de xwedî qabîliyetê ne ji pêşwazi komeleyê tene kirin û ew ji beşdarî xabatan dibînin. Bi wê minasêbetê gelek şevbûhêrk heya neha hatin li dar xistin û rêze çalakî hatin çêkirin. Di van çalakîyan de hejmara zaroka zêdebû, ji ber wê ji “Koroza Dengbêjên Zarok” hat avakirin. Koro bo ku li Êrîvanê konserekê bide bi vexwandnameyêk teybet hat vexwandin.

Komele piştî ku hat avakirin cara yekem çû Herêma Kurdistanê ji û di meha gulana de ji bi vexwandina Wezareta Çandê ya Ermenîstanê çû Êrîvanê. Çar dengbêjên ku di heyetê de cih digirtin piştî ku li vir konserek dan; li gundê ermenî, êzidî û kurda geriyan, lêkolînên urf û edetên van gelan kirin.

Ji bo ayînê amedehiya konserê Piştî ku endamên Komela Jinên Dengbêj li Ermenîstanê konser dan niha ji amedehiya konsereke ji bo ayîna li dera Axtamarayê tene kirin dikin. Serokê Komeleya Jinên Dengbêj, Gazî got ku di konsera meha kewçêrê de ji dengbêjekê bi navê Aşiq Leyla ji Ermenîstanê dê were û wê bi hev re konserekê pêk bînin.

Di derbarê Armanca xebatên kome-

leyê de Dengbêj Gazî agahî da me û got ku li herêma hejmara dengbêjên jin zêde ye lê ji ber ku eleqeya ku heq dikin nabinin nikarin xwe bigihînin her kesî. Gazî wiha domkir, “Armanca me ya sereke berdewamiya çanda dengbêjiyê ye. Lê di himan demê de armancake din ji ew dengbêjên ku xwe weşartî ne da ku em wan ji ji cihê wan derxin. Jinên me yên li gundan dijîn, mesele bîrîvan kîlamên xwe yên herî xweş dema mîhana didoşin dibêjin. Dema şîr dikelînin distîrên an ji dema li ser kaniyê dicivin. Em difikirin ku gund bi gund bigerin û wan derxin, dokumenterên wan bikşînin. Dema em van xebatan bikin belkî hêlên weşartî yên dengbêjiyê ji derkevin holê û çanda xwe pêşve bixin. Me carek din dest bi xebatên xwe yên saz, bilûr, ney, erbane kir. Koroza me ya zarokan eleqeyek baş dibîne. Vexwandinên giring ji wa re tene. Dê herin Êrîvanê ji. Civanên me li muzîka pop gohdar dikin û divê em wan vegerînin ser çanda wan. Emê bi xebatên xwe têkevin pêşiya pişavtina le ser çandê. Em neçar in ku li hemberî wê têbikoşin. Dengbêji bîngeha çanda me ye. Divê em livê xwedî derkevin. Saziyan din yên kurdan ji lazime ku piştgiyariya xebatên bi vî rengî bikin.”

### Dengbêja Emerîkî

Ji hêla din ve di van rojên dawîn de mêvanên Komeleya Jinên Dengbêj ji heye ku bixwe ji Emerîkayê ye û li wir bi navê Aoush Tamar Suni tene naskirin. Ew ji jineke muzîkhez û stranbêj e. Suni ku li Zanîngeha Kaliforniya'yê bêsa antropolojiyê û li Wanê niha dersên muzîka û darsa zimanê kurdî distîne. Ew ji niha din ava xebatên komeleyê de cih digire wek endamê saziyê.





# Populîzm çandê têk dibe

Bêzar BÊWAR

**L**i Tîrkiye bi avakirina Navenda Çand a Mezopotamya'yê (NÇM), di destpêka salên 90'î pê ve hunera ku bi kurdî tê kirin, li navendekê gihêşt hev û di binê banekê de rêbazên ku bandora astengî û pişavtinê bê şikandin da ber xwe. Şano, muzîk, wêje, sinema û hwd, bêşên hunerê ku li vir bi rêbazên akademiyeke xebat li ser dihatin kirin bûn. Koma Gulên Xerzan jî komek muzîkê ku beriya NÇM'ê hatibû avakirin û jî destpêkê vir ve jî li wir xebatên xwe didomîne ye.

Kuma Gulên Xerzan bi albûma yekem ya bi navê 'Ji Bîr Nabim' di nava kurdên Bakûr de denge xwe gerandin. Pişt re 'Sonda Me' û 'Rûkena Min' bû geşbûna muzîka wan û demek dirêj stranên wê komê li ser zimanan bû. Niha jî albûmên ku Koma Gulên Xerzan afirandi ne, bi qelîteya xwe di dîroka muzîka kurdî de cihê xwe girt. Her çiqas ku niha hin endamên komê veqetiyabin jî, ew amadekariya albûma 4. dikin. Damezrînêrê komê Çiya, ji destpêka wan a muzîkê heta îro hin bîranîn û ramanên xwe bi me re parvekir.

**We di 89'an bi komek amatorî dest bi muzîkê kir û pişt re jî hun wek kom beşdarî NÇM'ê bûn?**

Belê me li Kurdistanê, li Batmanê dest pê kir. Hin kes dibên lê 'me çavê xwe bi muzîkê vekir', min çavê xwe bi erbanê vekir. Hin pismamên min hebûn li erbanê didan. Başûrî dibêjin def. Dema daweta birayê min yê mezin bû nehatin dawetê, min çû ji Derwêşa gundê ku cîranê me bûn defcî anîn. Bavê min wê rojê got divê tu êdî erbanê hîn bibî. Tepikek da destê min û got tu dê heya êvar li vê bidî. Min wisa kir. Min jî wê rojê pêva lê da. Ew pismamên min ku li erbanê didan gelek pişporbûn li herêma Xerzan. Min di deh, donzdeh saliya xwe de qîr dikir û li erbanê dida. Me di 88'an de koma xwe damezirand. Wê çaxê Rojda di komê de 7-8 salî bû. Wê demê herêma Xerzan oldarbûn; diya min, bavê min bi xwe jî niv mela bûn. Ku digotin Hecî



Evdilkerîm were an Hecî Mehmedan were bila Rojda dernekeve. Ewê bêjin keça filankesî derketiye kilama dibêje. Rojda xwîşka min e, min ew bi koteka anî.

**Xebatên komê dû re çawa dewam kir?**

Nêzikî 85'a em hatin Stenbolê. Bi navê Husamettîn pismamekî min hebû, li tembûrê dida. Min navê wî danî Sîpan, yê Rojda jî min danî û min yê xwe jî kir Çiya. Me komek ava kir. Derdorê 88'an ez çûm eskeriyê. Ku ez vegeriyam em bi xwe diçûn bernama. Em di nav gel de bûn. Di 92'an de me cihê xwe li NÇM girt. Berhema "Ji Bîr Nabim" wê çaxê derket. Ya duyemîn "Sonda Me" û ya sîsiya "Rûkena Min." Niha jî ya çaremîn wê derkeve. Koma Gulên Xerzan berdewam e. 7-8 sal berê Rojda cihê bû lê di eynî saziyê de ye. Dîsa jî em bi hev re diçûn bernameyan, ku li ser navê Gulên Xerzan tişteke çêbe Rojda nabêje na.

**Di dema şer de hin komên wek Gulên Xerzan, Koma Amed, Koma Azad muzîkeke bi qelîte çêdikirin ku asta muzîka kurdî ji wan diyar bû. Ew kom jî ber hin sedeman belavbûn. Piştî wê muzîkek bi qelîte derneket. Bi**

**te sedema wê çiya?**

Ez dikarim bibêjim ku hetanî salên 2000'a rola NÇM û rola van koman gelek bû. Kesî wê demê nediwêrî stranek bigota, kesî newêribû bigota ez kurd im. Ji ber wê jî bi saya rêxistinê hin tişt hatin ser hev. Wê demê di her tiştê me de, di eşqa me de bîr û baweriyek hebû. Tenê armanca me ku em bi dengê xwe stranan bibêjin. Ku şoreşa gel zêde bû, di hin cîhan de azadî çêbû. Roja ku em negirtana bin çavan û nekutana tunebû. Lê qelîteya muzîka kurdî gelek baş bû. Me xwe bi xwe perwerde dikir. Wê demê hin stranên veşartî hebûn, me rihê stranên veşartî dida. Ku meriv binêre sê berhemên Gulên Xerzan hene

û ez îdia dikim ku her kes her tiştê xwe dikare di van de bibîne. Kî bihata NÇM'ê hema ew dixistin nava komekê ku dengê wan jî tunebû. Stranek digotin, me digot tamam e. Çima wê demê stranên baş derketin, muzîka ku bi ruhê kurdî ve girêdayîbû dihat çêkirin? Hin stranên li gor ruhê wê demê hatin gotin. Lê niha qelebalixek heye. Ku tu îro dinêrî li bajarekî wek Wanê 40-50 komên muzîkê hene. . Ku tu bêji

muzîka kurdî, nikarin du heb peyv bînin cem hev. Bê guman ya baş jî heye. Xweziya NÇM bikaribûya hemû biparasta, hemû birêxistin bikira. Lê ku însanên ji bo berjewendiyên xwe bixebitin hebin tu çî jî bikî nayên. Me û komên din jî helbet muzîk di nava van şertan û wekî din jî di nava mercên giran yê şer de muzîk çêdikir. Divê meriv li xwe binêre. Ew dibêjin em hunermend in, em jî dibêjin em karkerin û em dixwazin bo vê civakê tiştên baş bikin. Berê me berhemek çêdikir dida yekî digot ka ji me re serarast bike lê niha em bixwe çêdikin. Ji ber ku li hemu deran komên muzîkê hene û piraniya van jî bê qelîte ne em jî carina dikevin tengasiyê. Divê li hember hunermendan hinekî qîmet hebe. Wekî din jî niha çêkirina muzîkê hêsan bûye. Herkes dikare li mala xwe albûmekî amade bike. Berê em li ser stranekê 20 rojan dixebitîn lê niha di seatekê de diqede. Ew tişt jî helbet dibin sedema daketina qelîteyê.

**Di demên berê de (wek salên 90'î) hunermendan pêşenkti ji civakê re dikir lê niha bêhtir diçin deweta. Berê ji bo şoreşê lê niha ji bo kêfê gel docoşînin. Ya din jî meseleya dawetan e. Hunermendek biçe dawetan û filan nabe sedema ji qelîteyê dûrketinê?**

Ez dikarim wiha bibêjim; li ku derê meş hebe, civîn hebe ez bi xwe diçim. Di hîlbijartinan de seferberî çê dibe em mehekê diçin Kurdistanê. Ku em ji civakê dûr bimînin mane ya tişteki namîne. Dayîkên Şemiyê va ye li vir in. Evên ku dibêjin em hunermend in û hwd tînan van derdoran dixwin, vedixwin lê carekê seriyekî li wan dayîkan nadin. Kêmasiyên me jî hene helbet. Derdê me tenê meş û çalakî nin in. Rast e em diçin meşa, diçin qonferansa, diçin civînan, lê wekî din jî meseleyên ku em pê re mijûl dibin zêde ne. Hin kesên ku dibêjin em hunermendê kurd in bi xwedê rojekê nayên daxuyaniyek çapemeniyê. Roboskî ku ji bo kurda ewqas girîng e nehatine wir jî. Armanca wan ne xilasbûna vî gelî ye, tenê ji bo hin berjewendiyên xwe tiştina dikin.



**Wekî we vegot barê hunermendên NÇM'ê giran e. Ev ji bo ku hunermend bikaribe li ser hunera xwe baştir bixebite nabe astengî?**

Bi rastî ne astengî ye. Carina em ji xwe re dikin bahane. Divê hunermend vê fam bike ku tu ji bo çî hunerê dikî? Berpirsiyariya xwe tîni cîh an na. Tenê bi stranekê nabe. Ku hunermendek derket ser dikê berê xwe

zivirand û piştî xwe da gel ev nişane ya pişavtinê ye. Ew zirarê dide muzîkê jî, zirarê dide xwe jî. Hin kes jî hene tenê siloganan diavêjin, bê wan silogana du peyvnan nizanin. Di stranên xwe de yan gerîla yan jî pêşmergeyan û yan jî gotina 'Serok Apo' dikin stran. Tu bixwazî bo Serok stranan çêbikî, bila tişteki baş be. Carekê em li Amedê çûn qonserekê û ji min re gotin tu strana Rûvî nebêje. Çima? Gotin ku tu di vê staranê de sistema dewletê rexne dikî. De were...